

竹葉庵文集卷十七

詩十七

吳縣 張埴 商言

祕閣集二

庚子八月迄辛丑閏五月

恭進

天子萬壽頌九章

乾隆四十五年八月進

維

皇建極錫福駢懋佃田宅宅老老幼幼翫琬繁昌衣會輻輳以


頌緝熙

天子萬壽

維

皇敬

天受



天之祐日月壇茅

丘

澤犧繡六宗寒暑百祀屋雷罔不迓福

天子萬壽

維

皇敬

祖

聖聖受授長白松杏祥雲在岫風雨百戰

九廟飲酎永貽

聖孫

天子萬壽

維

皇文德入學教胄六經啓蒙三史正謬

祕殿進書

親分句讀自彊不息

天子萬壽

維

皇武功振恪宇宙二萬里外賊不敢鬪何況土司詎以養寇

仁者有勇

天子萬壽

維

皇御製義畫之富韻設天成詩高雅奏洗濯金石升降斯籀

依仁游藝

天子萬壽

乃練時日五

南巡狩防海治河元元在宥禾黍永登蛟鱓不吼兆民賴之

天子萬壽

乃布恩綸輪廣包覆蠲租停漕闢門籲秀九老八儒鱗飛羽

簪黃髮拜颺

天子萬壽

山莊令節桂馥松茂香雲古佛天花巖竇公侯藩部鐘鼓勸侑

臚慶祝釐

天子萬壽

題雅宜山人詩卷真迹二首

石湖秋汎共題詩橘綠橙黃好景遲想見吳中諸老輩牆頭送

酒過船時

詩序與文待詔同汎石湖

題名人重雅宜山展卷雲煙落照閒慚愧松楸山下路未能結

屋對溪鵬

雅宜山一名貞山一名小茅山在吳縣二十一都四畝之姚家巷子家先塋在此山下

葑亭招同覃溪心餘載軒兩峰看桂花得淮南二字禁

用小山故事金粟木樨等字二首

不同枳橘渡江淮婉孌風光在小齋隔屋能香寒露節

桂花九月開謂寒露

花故人有約夕陽街結毬天气鶯黃帕靠水山塘鳳股釵

虎邱山塘結桂

花毬賣之供閨閣之妝士女丰昌南國會十季不到話天涯

剡紅書屋在江南百盞明燈月吐三

吳中朱氏剡紅書屋古桂二本賞花時樹下懸燈百計聞說

樓臺花易主不逢風雨酒初酣英英細朵先抽菊冉冉秋容好

破柑富貴季華隨轉轂眼角開謝總難堪

桂馥指頭八分書歌

作字用指不用指智巧胚孕中山豪長須缺口長歎息欲利屯

用拔我毛屯閒鍾王偉丈夫成名胡為須吾曹未谷

馥之大咲

揮曰去吾用吾手寧辭勞巨擘筋羸若鯨吐小指螺細如蝦跳
何人鹵莽蘸頭髮何人齷齪操襟袍指頭豐囚囚箸紙囚中有
骨非空描將將戛戛紙囚聲墨汁風雨秋窗高張遷夏承露光
怪華山鄙閣爭岩堯溼賢並不傳此法巨靈而後文字饒名士
好名出新樣甄苑囚甄無捉刀徐韓李蔡若後出筆錢可眉堆
堂坳吁嗟虐如君狡獪計亦毒天下筆工閉門哭

畫美人

荏苒看花天寂寞吹笙院良會期未來縈情在秋扇

覃溪圖蘇端明游迹四幀七題四首

黃樓

淋漓大集比長洪好句重陽一會中黃土堊樓天地壯羽衣吹
笛古今雄中原水怪迴千鍾太守風流憶此公六百季來尋舊

迹偶因題畫語元豐

樓成於元豐元年

雪堂

東坡營後雪堂開雪際空明絕點埃門啓對看江月出鐙歸多
自酒家來老攜室婦同鉏菜冷有山僧不畫梅謂參寥銀海玉樓
拈咲處枉教宰相解憐才

白鶴峰

新居初造上梁文米賤季豐亦苦君相對蕭條惟白鶴可憐涕
淚葬紅裙謂朝雲半季又作辭巢燕萬事真如遶髮蟲直到海頭
無去處冥冥闔闔訴靈芬

載酒堂

歎息黎家載酒堂眼角突兀亦茫茫當季要路皆豺虎今日諸
生奉弁璋今爲先生祠堂一代黨人如艸芥四天海氣上桄榔而今消遣

書窗供荔又重月廿又黃

陸以寧上舍下榻荒齋九閱月將之太原口占此詩送
行

多時風雨共蕭晨河鼓鐙花夜坐頻稚子眼肯憐失學孤鴻天
際重懷人緇衣彊好憑誰奪醴酒難留諒我貧風峪鐵人銘字
在蚤同書信寄交親

承許以金石見寄

羅山人畫李令約庵富春舟中句爲借笠看山圖約庵
屬題長句

人生安得盡好詩那望篇篇入畫橐富春江上看山來一笠煙
波鬪窈窕披羊皮裘釣白魚擊竹如意歌朱鳥古人往往不可
作萬事茫茫都迅埽兩峰之畫約庵詩流落人間爲墨寶畫中
飽放只三帆無數餘檣滯江杪可行則行止則止雲起煙邨人

語小白頭歎息老江湖打鼓回船時尚早不知今夜傍誰泊風
際漁鐙一點好弄珠若遇水明樓多采江花與江艸

十月十五夜飲馮伍耘孝廉寓齋同金棕亭博士步月
半里許而歸

鐙火招要一倍親東西巷接往來頻喜看冬月如春月得遇閒
人又酒人枯木無聲雅閃閃寒莎有徑犬狺狺今季兩度銀蟾
在多恐相逢雪霰辰

十六月夜對酒三舍姪初至京師

鏡臺刀尺月明中猶喜曾無霜信風半夜殘杯皆骨肉初冬餘
暝在房櫳馬郎下澤情偏切左女如花態不同檢點諸兒畱課
本解將讀史弔英雄

顛王意田舍人同季畫意田小景

已丑同官四十人君以高才作為殿十二季來未補官鏡裏朱
顏鬢毛變孫郎清承大纛作方伯龔生禮黃墟窳幽宅生死富貴
不可知雪夜空堂為嘆暗王兄何必歎無田江水之誓亦可憐
黑牡月濃紅穉稷書聲小屋出晴燿

洋琴歌

洋琴洋琴來西洋四十八柱十二行琴身一尺七寸長句股不
圓亦不方搓銅作絃分子母削竹為筵捶宮商可憐兩手弄兩
筵絃多韻亂淒中腸是日山頭半夕陽掩掩抑抑爭洞房一溪
風浪羚羊峽四處猿聲薜荔牆人生半百不稱意那能為爾久
徬徨記曾少歲游山塘桃花李花閒綠楊長橋小市停湖舫子
夜新聲出女郎二十餘季花徑改百千舊恨水亭荒似我青春
逐水流想君白髮故人羞拌將老病閒支枕不為天涯重倚樓

初寒新葺小齋吟詩示兒姪

蟄物同人一樣寒黏窗堵地便為安有情今古殘書在無事乾
坤小屋寬遊戲人間師子鞞徘徊雪夜鹿皮冠布衣孝弟供租
稅何必兒孫盡作官

黃小松主簿

易畫得石圖為李君鐵橋東琪在濟寧學

宮古松樹下掘得瀝膠東令王君廟碑作也小松寄圖

乞題此詩

尋碑久慣諳碑相石理苔花分翠墨不到碑角數十步是唐是
宋吾已識只嫌瀝碑無可尋此物人間大難得然而書札數千
里唐公房碑獲廟刻洪丞相後六百季僕又區區殫心力子寄書與城固

令訪仙人唐公房碑果知此石尚在人間拓來稍稍流傳鄙人不謂無功也濟寧學舍膠東碣季遠埋在老松側

天上霹靂火不燒地下茯苓人不食松身碑字皆龍蛇混混瀆

澹日西昃九泉不敢藏至寶萬神相衛無一賊鐵橋荷鉏掘碑
去碑衰松根斷其纏奮土出地三五尺觀者堵牆羣歎息炎劉
九鼎蕩雲煙片石三生在井邑黃生黃生爾亦訪得元氏碑三
公山碑小松訪得元氏野中今移龍化寺斯事精靈仗通塞題詩寄遠感鄭重野竹寒梅
消雪汁

十一月三日 賜哈密瓜恭紀

燉煌瓜味古瓜州貢使人來雪海頭萬里蒲萄開一統千峰首
藉富三秋羌兒衰蔓安農圃 漢殿分甘近冕旒多少侍臣慚
解渴任它百果總堪羞

冬至甫二日 賜蘋果紀 恩之作

頻婆香色耐霜晨手帕籠來 御苑珍明日薦先爲異品半生
稽古愧儒臣兒童懷核思甫事饒果同盤及令辰老退江湖風

夜月柴門誇與故鄉親

藏園詩爲心餘賦三首

章貢門南水高城雉堞臨仙人好樓閣名士有園林荷葉滿池
舉朱簾一帶淡先生讀書地它日眾人尋
藏身老屋好所願更藏名孝弟看兒輩文章熟在情江湖漁艇
在風雪鶴巢成遲我富春去多君南浦迎
記與論交日風花歲月遷白頭官七品大集壽千季白傅雒中
宅坡翁陽羨田英雄思結局今古總堪憐

題潘蘭垞編修壁臺綺業詩後二首

小叢風貌潘郎筆絕代鉛華不可刪我已廿季除綺語爲君情
淚制潺湲

君是如來幼弟無孫陀額粉上衣襦而今枯木寒巖下可道從

甫只野狐

倪敬堂侍郎招同翁覃溪學士施耦堂御史邵二雲編修消寒寓齋出眎元絹首行織成十二字曰江天雲樹

至元丙子製冰雲箋爲長歌賦之

元順帝至元二季亦爲丙子此詩主在祖至元十三季爲丙子作也

慶歷東川造蜀素邵氏顯識熙寧初素成四十有五季溪堂乃乞米老書又聞官庫度大紙雪繭十丈如雲鋪承旨不敢擅下筆記其邊縫聊藏諸侍郎冬夜開酒廚酒邊出眎元絹麤經濶緯圓梭子疾蠶肥絲富天工殊織成至元丙子製冰雲箋字非模糊不許人屯不愛惜壓倒紫鳳宛央圖老母之綾娘子布一錢不值委泥塗當時軋軋妙手呼寒窗寸寸工夫餘出絲二斤限七戶不以匹絹徵官租那知福州海上人采桑婦女皆窮途金繪中原摧敗絮粟帛赤地灰紅鑪絲縷能續命不續織不成

匹南宋都賸水殘山此錦繡纏頭歌舞又西湖吁嗟乎珍重侍郎藏此絹興亡同感宣和扇張騫若个乘查歸月冷河源織女殿

覃溪招集詩境軒觀文休承畫沈石田遺像並見貽漢雜陽令王稚子石闕拓本覃溪各賦一詩次韻二首

先生享耆壽臞絕比瘠沈六十有白須袍衷或墨藩西莊盛竹石老境瀟灑甚遺像存里中舊家咸共諗丹青妙涂澤文章謝雕鏤社必歿而祭兒擬精以審溪山寫行窩風月具異稟海田閱時代蟲沙雜魚滄貴佩印六國富穴金三品哀哉轉曠閒蓬蒿滿邱寢不如大雅士今古齊斂衽獲報在百季聲名最豐稔此幀文水臨玉躩裘帶錦梯榮慕覩者見之口語噤良玉火不瘳高松雪獨凜俗兒紛鼠雀只合耗餘廩那知天地濶遠遠一

夢枕酌酒白石翁舉解我乃飲

右沈像

二闕二神道先王而後沈

交阯都尉沈君

洪相遞編次攜拾感餘瀋成都

道涂遠捆載難尤甚連夕酒殘多今晨喜鵲諭招要看蜀碑嶄

然溘人侵蟬聯十五字九字尚可審

溘故兖州刺史雒陽令

蜀山萬里秀筆

法一行稟孤墳二千季流光動驚淦雒雒遠三匝大錢受一品

一縣一循吏百姓帖安寢烏虜王稚子幾人能接社天子獎璽

書田禾樂大稔邳都甯成輩那得譜製錦請觀石闕文陽和散

寒噤闕頭刻車馬生氣鎮凜凜庶不負茂才而以糜祿廩賤子

癖金石詫為鴻寶枕銀蟾上窗閣梅花伴碑飲

右石闕

十二月十九日東坡先生生日覃溪招集同人寘酒蘇

齋宋生畫李委江上吹笛圖題其卷上得飛字

元豐五季公生日吹笛寘酒赤壁磯風蕭蕭兮歲云莫江滔滔

邪人未歸眼肯作達偶一咲醉後驚心定棄欵及今六百九十

載拜公遺像開書幃或像雨中雙屐子

此石刻董其昌有跋

或像梅花春物

菲陳洪綬模本異由相感動魂魄哀公常瘞願公肥舒直李定何大正

此輩何苦為詬譏南荒再到有謝表東市幾令斬朝衣想當弧

矢射天地生值堯舜居宮闈不信六十六季內半纏徽纆半銀

緋男兒墮地要有命蹇人上天非可祈黃州三見作寒食萬里

中原天一圍郭古不必知名士李委求詩願不違請看波浪扁

舟穩儻欲歸虜鶴共飛

除夕尚二日蒙 分賜瑣瑣蒲萄紀事有作

蒲萄異種萬星攢 分賜蓬萊禁近官榛栗賤他鄰里挈妻孥

驚捧歲朝盤六季書庫燃藜映一段鄉心爆竹殘直為

君恩無報稱天涯去住總然難

新季四日謝 賜石榴福橘

敕賜如拳安石榴配來霜橘洞庭秋當季童子懷中見往事神
仙字迹畱北斗天將承百子南方地氣貢千頭小臣戰栗酬
明主艸木箋成細校讎

倪奉常屬題尊人給諫 國璉 畫七芳圖

七芳之圖五有華梅蘭荷與水仙菊二芳蕪花作花比一樹老
松二竿竹奉常猶記童子時燈火書郎出家塾老人胡牀擅清
興沒骨折枝寫意足畫裏無言最有心那有一種凡艸木巾箱
肩鏞起榮光家訓森嚴勝珠玉當季

憲廟新官制言有觀風與整俗吾家族父叨同官 諱鳴 繡衣持

斧郊圻肅公俄騎箕棄人在吏民犇走為位哭四十季來祕遺
迹白陽文長作奴僕主憲原非畫苑人帶經自入名臣錄一花

一葉在天地浮紙餘香細於粟

題溼安仙集畱題拓本

烏乎溼安豈有仙妖孽梁氏垂腥涎墳頭大鳥飛已去尸諫史
魚語可憐白日傾稷天地否赤運摧隳桓靈連其時或有隱君
子欷歔握手山厓邊改元四月十八日大書淡刻會洞天洞天
居人輕富貴洗耳有水非狂顛 法真曰吾既不能避形遠在豈飲洗耳之水哉 不名不姓萬萬
古我春我秋千千季後人傳會作仙筆俯仰滄海為桑田先君
未到蓬萊去王母何曾五嶽傳 五嶽真形圖也 末葉兒孫尤難道時衰政
亂壽不全仙人在在不在在在摩挲翠墨心悁悁白石神君隨後
出巫啼鬼嘯盈荒阡

上燈夜同錢慈伯檢討飲金稷亭博士寓齋同步至觀

音庵兒姪輩亦來觀燈有作

春風一夕滿天街
燈似春光逐漸佳
隣屋酒缸先有約
雲霄月鏡況如揩
看燒火判衙衙熱
聽唱秧歌子姪偕
豐樂太平仁壽宇
老夫隨處總開懷

十七夜封亭點燈會飲得鈞字

摸釘禿病昨朝頻

京師風俗摸釘禿百病皆以十六夜或謂元夕者非也

料理辛盤已過辛粉荔

堆邊酬白髮紙鳶影裏感青春
賸來燈火消良夜老對書窗戀
故人鬪韻顚詩儂興嬾輸君筆力掣千鈞

二月六日經筵侍班恭紀

吉日經筵特舉行春風講殿有書聲
六爻美利開天地十傳

工夫到治平

是日進講大學此之謂絜矩之道一句易經乾始能以美利利天下不言所利二句

豹尾不搖一仙仗合

螭頭相對

御香清

小臣

尚憶兒童景塾課
燈光在短檠

一藥奉 敕和進香

御製春仲經筵元韻

經筵二月初諏吉
闔闔殊榮接履裾

香案春風餘漬墨
朱簾

微雪映繙書

乘乾出治高黃屋

絜矩爲心勗燕居
百物四時

天運廣無言尼聖
亦稱子

奉 敕和進

御製經筵畢文淵閣賜茶作元韻

金泥高榜

文淵閣

臨幸今朝步輦移
水綠當橋與瓦似

用綠琉璃瓦

茗香在椀度松遲

義文持世奉彌壽

溘殿傳經道不私
黽勉汗青勝歲事
諸臣

相誠莫愆期

范文正公祠

舊作

小范祠堂綽楔崇

大范謂雍小范謂公夏人之語也

入門粟主拜當中風雲千古思

窮塞憂樂中間箸此公異父劇憐兄弟在合家能贍子孫同季

季花發天平路印石摩挲鶴澗東

月夜偶憶虎邱程氏園亭

來朝十五古花朝今夜姮娥一倍嬌粉院樓臺誰上鎖銀河在

界好吹簫燈紅冉冉牆頭酒水淺淙淙竹裏橋來鶴亭邊釵釧

影廿季生死總魂銷

園中新葺直廬

直廬襍被十三季新拓軒窗景靜便故相灰釘爭入地

劉文正于文襄諸公

閒庭樹木已參天

予手種小樹今五六圍矣

白頭攬鏡明於雪芳艸依牆綠似

煙蚤約同官來晚語松風鶴夢了片緣

蕪根菠菜開花歌

貧家三月會菠菜葉大莖粗過蓬蒿兒童摘菜截其根根老中

空灌以水采絲倒挂窗戶閒葉葉昂首東風裏一般綠靚尚開

花無數歲蕤猶結子老夫對之為感慨植物貪生亦惡死苟非

蕉萃委塵沙終望扶持保精髓一寸根苗天地心三春長養乾

坤理詩成放筆蹋郊郭浩浩千紅與萬紫

打鐘埽地圖歌為心餘賦

鼈鼈挂月山松裏蝙蝠出樓老僧起山崩山後誰曉行闇不見

寺聽平鐘聲鐘聲趁人十里遠恰露山頭紅日明打鐘過後勤

埽地樹葉霏霏下空翠水流花開天地晴一僧之外百鳥鳴若

逢風雨關門坐有送齋糧出屋迎先生閱屯哀樂多不為居士

為頭陀七斤衫布椎山竈一个風旛尋鳥窠破竈尋窠人漫猜

我與先生歸去來

溼壓勝祕戲錢歌

潘郎為有多藏壓勝錢龜蛇龍馬文鉤連或作天師杖神劍或作
元帝騎星躔天地支干輪郭滿公侯富貴因好穿內中一種更
奇絕刻畫祕戲如蟲卷兒女歡情原最短此錢頗閱千百季金
鏡瓦棺重出在並頭交頸故依然滂源九府嗣三品卅人厲禁
守金鉛歷山之銅莊山鐵禹湯文武功惠延裕民衣會導禮義
樂而不淫心貞堅此錢圖鑄豈溼代方士祕術詭聖賢欲徇人
倫庇終始反託鬼魅為因緣撒帳詫宜子孫兆定情薄視國風
篇造物薪炭有如此家人風火亦可憐蕩心那守洪墟燄榆莢
恐飄三月煙顏生崇拓本裝成軸新詩要我題雲牋董道洪遵
今不作誰以古泉一例傳

橋亭卜卦研歌

朱鳥囓冬青花忠臣國破俱無家玉帶橋亭兩片石獨留寶氣
爭龍蛇一從信州陷賣卜建陽市為人卜吉凶應自卜生死六
十四卦生死位一十三卦君臣理謝氏易說以十三卦取象卷簾摩墨對東風
淚痕滴作研池水一朝徵迫自南來采石風濤四面開未似屈
原身後恨拌同龔勝眼肯灰故人贈以米一溢藥一罏對客擲
地吾命徂心頭藥米無容處曲鬱中蟠趙氏孤吁嗟虞文山疊
山魂魄在石尚可摩心不改千秋異調作知音張宏範與程文

海研有文海顯銘

杜文貞公遺像

天寶詩人杜夫子結喉長頸瘳於柴帚居風雅君臣重離亂心
情在俗乖生不公卿持木柄老無衣會葬麻鞵首陽山下古墳

古分與夷齊一樣埋

午日觀錢秀才畫鍾馗嫁妹圖

終葵女弟亦媼娥料理香奩埽黛螺小說煙花顯畫好崑陽風
景辟邪多死生兄妹零丁帖神鬼婚姻吉莫韡此是彭咸遺則
恨媒勞恩甚欲如何

蘭垞乞假以詩送行

聞君乞假理歸舟令我崑居感白頭出處半生如夢過升沈同
輩幾人畱天涯女子看摩鏡江上東風正倚樓菱角蕩絲蓴葉
似婿鄉遙認百花洲

蘭垞與福筮有吳中相見之約

五月食蟹

五月原非食蟹時津門沙湧有人知風波窅冥乍出穴螯跪縱
橫未守雌一斲粗填湯火債三秋遲饜稻梁期老夫惻惻不下

箸偶對盤殮動所思

養鶴行

吁嗟乎置爾重淵爾不潛置爾高天爾不飛瘞瘠幸避蟲蟻蝕
束縛卻受兒童譏森森骨鯁忠義在落落枯肆風光非人間魴
鯉達自悞在仙外仙人尚未歸吁嗟乎勺藥春闌詠別離街頭空
擔惜芳菲禽魚變化原難定獨立蒼茫看落暉

芟艸

有意除蕭艾何心受雨風好花開研北亂艸削牆東惡物無滋
蔓皇天本至公卻舉蘭茝恨猶遲

去長上芳叢

看雲

長夏何消遣扶藜喜看雲一峰多突兀蒼狗致殷勤涼雨竹根
墮扁舟荷葉分滄江此時節應念舊同羣

送茶

街南錢檢討錫送我火膏茶入蜜噉如酪成團咲似瓜今普洱茶猶為圓團

寄碑

孔氏玉虹樓樓如虹月舟古人已千載妙迹必雙鉤蟬翼貽新本韭花致遠郵晴窗看絲髮松露曉風稠

聽龍

積水屋南角龍繁知雨淫夜鐙何閶閶夏木轉森森科斗不成字蛟鼉豈久吟方悲此物賤聊感寂寥心

自題風雨對牀圖二首

白頭兄弟久離居萬里孤鴻欠一書今日艸堂松竹盡雨聲那得昔季如

圖畫重看廿一季何季復此對牀瞑范家祖研姜家被同裛遺書一惘然

閏五月五日程魚門校理招同翁覃溪洗馬蔣心餘吳穀人編修曹習庵中允吳竹橋禮部小集三長物齋得

重字

艾葉榴花一再穠今季令節未踈慵風雲猶自江頭壯繪綵應看福履重興到竹林如野客比來梅雨亂晴春晚涼又赴同季會缸面誰家處處醲王葑亭禮部亦有今日之會

蜥蜴食蠅行

東南日出窗有光青蠅撒豆飛中央寶劔千金驅不去白璧無瑕要自藏瞥有一物升於牆跂跂脉脉四足長沿緣頗知人所惡饑饒必捉蠅為糧烏乎蜥蜴亦小蟲擅奸發伏如英雄屯閒

快意果如此卷幔涼風修竹中

月出東牆行

月出東牆鼃百个醉中風露空庭臥文章不能為世驚貧賤未必令我餓爛黃杏子梅同熟長腳水蚊鷺樣大中季不得到江湖日出街頭踏塵堞

石鼓研歌

上海顧從義摹刻

我才小於韓與蘇我詩合題小石鼓十鼓縮臨鼓研一高盈三寸徑餘五墨積凹兮受如白雲成腴兮斲以斧舍人入直文華

殿模刻此文奉內府

從義在嘉靖中以讀書入直文華殿授中書舍人此研有內府之寶小印當是直文華時所模也

不知何

歲落人間金填璫裏比爾祖世廟臨御卅五載正人菹醢紛無

數黃冠道士作三公

邵元節陶仲文

白髮夔龍忝首輔

相嵩

顧生捧研應涕

洩斯道將衰墜文武避車既工避馬同何人將帥能負弩佳鱗

佳鯉貫楊柳竭澤而漁無樂土鼓文肯作諫書看國事豈無袞

衣補只今古字証岐陽何必逸詩感尼父涼花裊裊北窗下手

與摩挲濯秋雨

趙子固落水蘭亭卷歌

流水修竹山陰春五字未損肥本真裕陵作鬼不肯舍何況古

今世上人此卷初以白石箸嗣後又遇彝齋珍重陽節過菊與

酒江上客歸風送雲雲起風高壓船側王孫性命輕右軍腳踏

鯨魚立水面手捧字卷招碑魂投宿山寺焙微火與觀蕭郎

語昔辰古鈔破費半萬券神物歷遭億劫塵多謝北平翁洗馬

晴窗響揚寫煤痕

單溪有響揚本

論定武蘭亭十二絕句

寫過蘭亭後兩季誓詞墳墓告尊先此君人品原高絕故與書

名蓋世傳

非將退筆誇能事那肯簪花媚眾人不襲建安鍾傅體化方去
趙集賢謂蘭亭用退筆非也是收盡鋒鉞不肯一露何曾是退筆耶

扁妙無倫

賢半墨豬

東坡謂魯直書似蛇挂樹梢魯直謂東坡書似石壓蝦蟇

昭陵繭紙黍銜紅裕陵祖石金蠶空二陵風雨無人夜猶在永和春色中

李唐趙宋富籤廚下暨中朝士大夫二十八行八千桺江山多

少換來無

謂賈似道也

道昇山下亦驚魂舵折檣摧天地昏風雪安閒姜白石也能託付到王孫

銅漏曾經易滿師獨孤亢爽東屏癡蘭亭大有僧緣分缸面人

教最吃虧

字取肥者王順伯字取瘦者九延之卻咲模稜黃魯直取它環

燕適中時

有肥無瘦重祖石議禮諸公論半非看到後來馮承素與褚良始

知能瘦不能肥

定武刻無弗肥者取瘦者謬論也

半生及見五定武

落水本直齋本東屏本程孟陽本最淡墨本而濃墨本不與焉

同是尹邢絕代姿獨賞

人間直齋本何由網得到西施

缺月娟娟殘未殘香微色淡似春蘭誰家濃墨重裝本破費庭

珪黍一丸

定武刻無弗用淡墨者近見一濃墨本心尚疑之

古帖要看古刻手奏刀艱涩不分明山陰妙迹如無恙今日重刊亦未精

竹葉庵文集卷十七

竹葉庵文集卷十八

詩十八

吳縣 張埴 商言

祕閣集三

辛丑六月迄十二月

送燕二首

衰卵初成去翮飛各可憐攜雛有今日將母是何季辛苦遺空
壘呢喃語別緣卷簾猶待汝眼為故情穿
相宅防蛇鼠銜泥雜菅茅有情生長地無事太平巢未戀居停
主真成淡泊交與君論王謝花柳夕陽梢

雨中錢籜石侍郎送畫二首

水仙小幀

王孫水墨雙鉤後雨葉煙苗又寫生莫道近賢容易得此花開
要百千春

侍郎三絕詩書畫詩有風光畫有神行近水仙祠下路秀州煙

雨絕無鄰

與郎洩絕詞三首

與郎洩絕隴西頭仰射雙飛一咲休儂似天山郎似箭郎將三
箭為儂畱

與郎洩絕隴頭西唱到陽關絕命嗁白髮可無吹火婢青春誰
是畫眉妻

洩絕與郎恨滿胷山頭寶帳錦芙蓉不如裁作死央被也道兒
家親手縫

積雨偶書數句無甚佳思與錢秀才遣悶

積雨心如碎絲絲日夜繁不能凭水閣但看漫牆根瓜菜防應
爛溝流總急奔路閒泥滑滑窗閣客昏昏酒益人閒溼茶知井
脈渾蝸升涎有篆螢死火無痕頗恐牀頭塌寧遮屋漏喧衣幫

湔未曝書畫暈難緝醬過黃梅熟吳中有梅醬也香憎白芷燔錢郎有好

句杼悶與君論

睡起風雨雜遝已有秋意

睡意昏昏雨意長腹搖鼻息最風涼一窗水鶴荷花夢午飯鹽
魚豆豉香子弟要能操稼穡江湖何必恃文章老夫未有攢眉
處只感秋心一斷腸

大雨戲示同直周希甫舍人

賣豚賣菜雨中休官裏官人官事稠豕樣涉波浮似鴨驪皆化
鐵老於牛只應蕩蕩通千畝可惜瓜田爛一邱寄語周郎清興
劇場牆合近酒家樓君寓牆多倒故云

雨中夜直

夜直耽清燕燈光禁閣重風飄太液水雨動景陽鐘地敞天

無暑人間夢亦慵
鷺鷥侵曉出立上萬年松

憂雨已極忽見新月

三旬積雨久雲霾
候得蟾光今夜來
新月好同圓月好
蚤花開到晚花開
青鼃紫蚓各出穴
白米紅鹽自遣懷
但喜老晴低滂

退仰看天宇一裴回

老晴方言也

舍姪靜之學詩示以絕句二首

卅季癡叔耽風雅
窮不能工黯自傷
不欲家風傳汝輩
故應奪卻紫羅囊

心餘貧病魚門老
眼下詩人大可知
官職聲名俱入手
莫教錯會樂天詩

廣州同季甄青圃舍人送黃皮果謂能消食戲爲詠之
同季相送黃皮果
方物東南出海疆
略下鹽如橄欖脯
漫誇蜜

漬荔支香未能野
葛銜三寸頗望胡
麻飽一場何用又
添消導法神仙不學學
休糧

重修觀音院雨阻未出今日晚晴與錢云峰秀才三姪
九兒同游雷顛院壁贈道忠上人十韻

晚晴天气嫩涼乘
隣巷泥涂著屐勝
且上陽坡同看水
不妨小院又尋僧
琉璃宿火光明在
龍象諸天采繪增
爲語結茅成老計
未誇托鉢有粗能
卅季我已離家久
雙鬢時緣對鏡憎
畫眉香鑪慙老輩
艸堂松竹憶良朋
茫然荷蕙猶無分
負此溪山亦不應
居士未完塵界夢
勞人羞拜佛前燈
遼天白鷺孤雲去
斜日秋蟲晚气膺
它日擬攜蔬筍至
井闌石檻可重凭

七夕雨霽秋花盈
院感靈妃之易別
爲蹇修而莫從奉
以香鐙薦以明水
下土蟣蝨之臣不
能無詩以頌之云

七襄灑淚古天孫河鼓沈沈易斷魂雨浥好花秋珮影風吹靈
鵲曉衣痕星榆何處垂仙帳銀漢猶然阻帝闈天姥日兄能愛
惜不教惜別到黃昏

頤周 克開 觀察聽松圖卷子

八百里圍嶽麓山卅六灣哀湘江水中有烈婦如天人崇禎末

季仗節死 周在遜之妻馬氏流賊寇長沙殉節觀察之高祖母也 子孫瓜瓞日以昌富貴科名報其

美長沙城外聽松園周家老宅宅於此園中不種凡艸木只種

長松接天咫尺掘地千盤有茯苓樛枝萬竅無蟲蟻以閱風霜比

古人要令節操如先妣觀察少歲猶書郎讀書園莊松樹裏短

檠數燄夜窗開孤鶴一聲山月起只今名宦天涯遠回憶兒童

風景似披圖莫漫感刁騷松爪松鱗卽桑梓

哭朱竹君學士三首

使節纔回閩海濱高齋消暑語良辰一窗綠樹圍書卷今日黃
壚又劫塵酒會飄零諸舊伴秋懷稠疊此孤身期期之口復復
腹只爾憐才弟一人

未必真同梁木摧斯文小器亦堪哀不妨丞相遭蠶螫何限諸
生傍斗魁唐韻四聲傳絕學溘經三體媿通才父書能讀諸郎
在莫使遺編付艸萊

凶耗傳來一倍驚驚疑天道未分明敬通有累餘家室靈運相
思只弟兄月旒書銘甫學士青山送葬老門生 謂魚門 而今老輩
無人哭拌與先生淚盡傾

陳上舍 以綱 哀詩

一燼孤餘箸述身又聞旅死劇酸辛天多富貴諸季少爾最古
今薄命人墳上桂枝猶未茁 唐人詩直教桂子落墳上長得一枝恨始消 江邊茅屋鎮長貧

何時骸骨扁舟返蝦菜妻兒作祭辰

中元荷葉鐙歌

亭亭翠蓋三尺長兒童日落街頭忙今朝識是中元節手弄蓮
葉搖鐙光一燄兩燄在孤蒂十步五步餘寒芒蠟淚欲迸西風
走荷露先枯北斗涼熒熒熠熠度屋角中有鬼氣相翱翔以火
種蓮星月下無花結實長季芳嗟予頗涉生死感每逢佳景爲
斷腸美人分手化異物當時秀項垂明璫爾似葉中紅菡萏
蒼不開葉亦黃拗絲豈織葡萄錦託根已爛芙蓉裳吹雨和風
打敗薄聚火成燐出古牆地官若校讜惡籍玉女何罹短折殃
此鐙願作熒臺約供養幽輝普十方

隴驤將軍印歌爲桂未谷學官作

漢隸題碑多假借漢篆題印殊審詳予見官印三五百未見字

訛白下羊六朝六書書體壞隨意波磔尤荒唐得聲粗不辨子

母俗書最喜加徧旁拓跋享祚略長久諸碑傳世禍未央運河

新出高湛

字子澄勃海滌人

志此人官職題隴驤凡將之篇千古祕渥洼

有種八尺長不信龍馬竟合并遂令斯籀皆徬徨未谷寄示古

印一涂金龜紐將軍章龍驤故城龍驤印此物乃得於洛陽驚

喜屬之王鎮惡虎牢關下荒艸荒云煙無恙到君手英雄已沒

愁人腸我謂此亦莫須有文人好事口舌彊不如題作子澄印

墓銘猶在山頭岡死人爭墩大可咲死人爭印亦不妨何季訪

爾鱸堂地苜蓿梓邊金薤香

宋文丞相遺像二十韻

有天啟元年五月周忠介公題名

要待先生死乃成趙宋終厓山烽火盡柴市血光通畱此丹青
像驚爲鐵石忠秀眉與長目丞相領元戎朱鳥魂千古冬青樹

一叢弟降兄可殉母没子真窮壇廟銅人劫河山羽扇風策增
賈傳痛詩比杜陵工記得逃閩嶠何曾復汴宮渡船瓜步遠行
殿荔支紅孔孟傳遺訓微箕別一衷字藏衣帶密心共獄樓空
吏部長洲秀名臣異代同如椽顛彩筆憂國訴蒼穹想爾雙垂
淚焚香一拜公貂璫覆社稷菹醢送英雄北寺三更夜西臺落
日中龍歸潭水底信國南身相傳為其里中冷水潭之黑龍也鶴化海天東父老千秋感祠
堂兩地崇平時翻汗竹今日薦霜菘

錢慈伯檢討護其太夫人之柩歸秀水夜夢慈伯過訪
予曰君纔南去無數日豈得僂來寧非夢耶慈伯曰泊
舟未行故訪君非夢也已而夢醒則果夢也惆悵不已
以詩寄之

故人相送隔江潯千里孤舟一寸心斷夢遠於秋水外涼風吹

到菊花淡麻衣辛苦遲朝膳月旒飛揚急暮砧是我南去
路為君涕淚一淫淫予以丁酉奉母柩歸蘇州

周載軒編修送菊花

多君選菊向西郊分我秋光到屋茅僂與鄰家爭酒會要先霜
信護花巢芳菲壓幔明鐙照老嬾顛詩敗筆鈔輾轆街頭甜井
遠課僮忙為主人嘲井水甜者謂甜井京師方言也

孫敬軒編修同季有愛女之戚詩以唁之

明珠在掌未迢遙墜入重泉永寂寥贏得阿翁雙淚落哀來好
女一煙消秦臺彩化誰家鳳孫帳磯沈故國臬莫遣堂前瞑食
損左芬遺恨不勝嬌

溪州銅柱記歌

誰家銅柱連天起馬援馬總馬希範信史猶存五代餘古迹獨

悲濼唐滅五溪水毒濫淫淫西接牂河南桂林州中刺史作不
靖天策開府拌生擒文昭此時襲介弟梯衝能洗諸荒裔蠻花
四映楚王旗牛酒一設彭郎誓明朝鑪鞠荆山銅半月鑄造山
頭紅柱五千斤丈二尺石蓮花楯圍當中學士翩翩十八人誰
人書記妙無倫八龍繞殿銘功德萬馬同槽識子孫子孫殞絕
將如何連枝花萼有干戈不如鑄作金人象涕淚還能一倍多
此柱茫茫暗昏紫落日蒼梧只如此一條白練伏波孫才人亦
說李皋死

吳仲圭畫竹行

幽人園中幽事多忽感秊華若飛隼畫題五月十三日至正十秊新竹
已成抽晚筍風中山徑落黃梅雨裏書堂出蚯蚓神妙寫此青
玉姿元氣不受天地窘竹在人心人似竹畫雖易盡竹不盡何

時真臥滄江頭釣魚掘筍無一愁

小集龔令木夫同秊寓齋分韻得槐字

乙酉同秊南與北白頭難寫風雨懷喜借詩篇作會合辟諸二
鳥鳴和諧龔九老筆老突兀名姓往往傳江淮田八百畝苦歲
稔秊五十人來計偕不用一錢插魚籩猶有斗米燒松柴何爲
熱官不嫌熱又必佳句謀其佳可憐半世不相遇今日縞紵長
安街連醉三日僮僕熟小聚一屋星辰排酒痕離別衣上淚官
人魂寢山中鞅平生去就蒼茫感新月半輪生古槐

倪文正公四十小像

會波臣鯨爾能寫此天地之正人報國憂時在顏色河清一咲
非其辰時輩花爲醜面丹涂脣不異蟲蟻細族爭陽春先生行
年纔四十老與寒松孤鶴隣書院未復要典在躊躇何語排天

閨吁嗟辱不幸奄孽未錘楊維垣不幸奸相接踵温體仁生爲
朝廷籌大計死對妻妾捐私恩存仁取義孤忠在風雨衣雲薦
白蘋

公築衣雲閣於山陰

移居爛麪衲衲同人各有賀詩依韻奉答並無倫次四
首

枯木寒巖與結鄰總然無著共天親冰霜頗趁流季速雞犬能
安舊日貧立盡後園多晚景數來飛鳥似歸人明知學道無三
宿又積巢痕一段新

右答翁覃溪洗馬

君舊南鄰我北鄰五季風月鎮相親高門行馬時來貴小婢驚
鴻嫁後貧辛苦詩篇肯度酒丁香花朵可憐人白頭欲擬登樓
賦變幻雲煙些子新

右答陳伯恭編修

結屋空園老樹南枕經扉史轉紛然那能事事酬忠孝要以心

心對聖賢半世信天爲活計此閒埽地卽肯緣期君莫限城門
鎖坐我香爐藥白邊

右答馮魚山編修

杜甫乾坤此艸亭只須除埽不須局春光富貴生朝日秋水文
章淡夜星遲我移家煩畫稟呼兒摩墨寫詩屏何季臨頓開荒
徑不羨誰家旋馬廳

右答程魚門編修

謝 賜鮮果

十月廿八日

水驛修新貢書窗拜 異恩物分尚方監香度紫微垣餐得乾
坤秀箋來艸木繁小人請學圃歌詠到邱園

又蒙

賜哈密瓜

十一月十四日

聖人覃被遠佳果茁流沙瓜瓞絲長運天山共一家玉門通漢
縣 金殿接星查赭帕承 恩賜藜光一道斜

固原新樂府七章

有序

公爲固原州吏目十年量移迪化去固原人思之故采其風謠
撰固原新樂府七章以代行狀公位卑祿薄死玉門之外不享
遐壽此人生最苦痛者然以廉自矢爲循吏無一玷缺雖予以
兄弟之親言之無溢美之辭後有輜軒可備甄錄旣移迪化之
後少往來之人不能知其政迹俟續采以爲後樂府公姓張氏
諱傳心長洲人

張打邪 公禱雨打馬甲人以此呼公也

童男童女執柳枝城內城外禱雨時中一丈夫跳跟出非人非
鬼來神祠神祠布刀劍自鑿其顛敗其面鐵繩火燒長一丈盤
負要背萬人見男女爭呼馬甲來神天歡喜兩腳催天晴此人
亦不死倉以糜鬻無它災無馬甲雨不靈禁馬甲民不聽忽有
罪囚破柳窆人傳馬甲到街口柳枝搖搖在甬後血流涓涓刀

荆手公怒縛之鞭四十囚醒嗒然當街立有馬甲亦雨無馬甲
亦雨爲民請命致滂沱倒灌天河擊雷鼓君不見張打邪打邪
人不譁不打百姓打馬甲不打馬甲打邪法四野青青秧盡插

破毒碑 公除腳匱人以此題碑也

捉官車捉官驢官役闌人向路隅一驢南一驢北牽驢入城出
不得一車去一車來無錢不放空車回此毒流傳官與吏名目
私顛曰腳匱捉來指說應官差那道邨窮賣車騎夕陽西下有
歸人四角忽然生兩輪輪住驢鳴驢不走官役徵錢不放手若
不徵爾錢爾不騎驢只騎狗若不徵爾錢除爾卷車只載柳公
曰腳匱若不除我尸此官何爲乎我頭可斷皮可爛要與腳匱
爭區區判筆自撰申文稟申之府申之道申之司院院曰好百
姓入山伐大石刻公姓名題碑額其額書曰破毒碑此毒能破

人民思鄭僑溱洧眾人母政體何如公不虧

固原兵懲兵以衛民也

固原兵固原九邊舊有名兵彊而悍諱臨陣竇公會佩將軍印

州人竇某以卒伍起家為提督時清兵閒街頭坐虐我細民則不可公曰籍兵須武

官官不籍兵民不安我薄武官為武夫武夫縱兵兵難圖我與

武官締兄弟兄弟兵民聯一體昨有營馬踏人田吃盡禾苗大

可憐又有營兵入市罵賤買乾鮮不依價兵民叫臬常不已訐

訟季季慣如此公乃朝鞭一兵武官唯唯兵靜聽公又暮鞭一

兵武官鄉公無怨聲營中舉酒遙相祝作事莫媼張吏目吏目

於兵何所讎吏目於民何所求要使兵民安樂好締交武官不

足道

閻氏女 完人節也

閻氏女嫁與翟氏兒花枝招搖洞房會噉然一哭何傷悲公為
賀客觀花燭心動更衣聽其哭即呼官吏問官媒此女要揆蹤
跡來珍珠量向誰家井蛺蝶飛來那一臺媒言閻氏女本是馬
三婦秋胡金多不可卻餅師人賤難相守公詰翟氏兒爾今無
義奪人妻聘錢為罰緩爾應無分作雙栖便將花燭送新人金
犢車還綠苧邨從今寶鏡仍圓夜一對死央白首親

趙秀才 雪人冤也

趙秀才種花讀書艸堂開艸堂安置長生位花豔香清酒一杯
問爾何以置此位位中乃顯張公字秀才聞言即墮淚張公倅
此州堂下鞠盜囚此盜何人冤不小小生即是青衿趙堂上張
公獨了了陳平便有婦翁疑曾參詎無慈母曉張公呼秀才此
為無妄災斷爾徽纆破爾校爾便讀書歸去來趙秀才言之墮

淚不肯休不畏五刑備體三木囊頭獨畏秀才以盜死國家着士學校羞秀才歸人邏報報市中獲真盜

僧帽 懲異服也

僧帽僧帽二尺長青絲作段蠶吐光此僧炫麗入城市自詫新樣毘盧妝會公此日騎馬出豫識此僧定淫佞佛門本自有威儀喬裝亦最關心術呼僧來叱其異裂僧帽擲之地公曰爾今莫我瞋我非辱爾方外人爾家祖師有教導天寒不戴律門帽何爲爾冠冠峩峩非金剛兮非優婆七裏衣被在天地爾帽何勞機女梭噫吁嘻僧於萬物本贅癩公於異端多心憂何況服妖僧怪不可畱聞說此僧竟斂迹不上酒樓與妓樓

別固原 紀去思也

別固原固原城西最斷魂城西芳艸季季長不是淚痕卽酒痕

淚以哭公去酒以餞公行公亦揮淚亦飲酒長亭短亭皆哭聲

是季

乾隆四十一季

三月十五日男男婦婦鎖門出邨酒不值錢願公竟

醉暝無錢買魚肉棗栗亦新鮮尚恐千人萬人淚多於香醞如流泉七十里宿瓦亭州官讌別斟銀瓶銀瓶金杯水陸有公曰不如百姓酒又五十里到隆德萬里之行公歎息勸爾百姓還毋以我爲意願爾百姓爲良民孝弟耕田自愛身不信眼肯皆赤子何人拷掠一沾巾

廸化新樂府一章 并序

公移廸化無二季其地皆遭發新疆之囚少居民無訟斬其設施公歿之明季州官死於法公不受錢無所嬰及先是公爲固原移署某縣丞給丞印收捐監生公怒王直望折銀冒賑必敗辭不就公去固原而禍發然則公不悖法非忠者乎不愛錢非

廉者乎不及禍非知者乎此一篇與固原樂府非一時所作今編詩類及之要以知公政迹大體所在焉

不出結 廉以免禍也

不出結倉中無米出不得結不出壯哉鼠雀大於賊州官來送錢倉例三百千公兼倉大使但出印結高枕瞑公曰我非印官官自有印印押安倉空如洗要我出結要官米州官搖頭不憂自愁此人彊項有錢難求搖頭而去莫尋釁從此州倉出州印公喜閉戶心太平幕客責讓時有聲公已醉臥付不聞明季州官虧空去死西市被髮腳不履公便無錢遲歸葬有錢籍沒禍妻子此州官亦有名旗下人曰德平

附蔣士銓詩

龍神不聽風雷使卻聽馬甲作行止秦人未知繁露法手布

甘霖憑馬甲馬甲本是無賴人吞刀吐火作龍神妖由人興事竟有風伯雨師歸一身州囚脫械來行雨公猝禽之加箠楚咲縛乖龍四十鞭龍神逃竄囚無語官乃登壇默致詞真龍滿天雨淋漓邪不勝正馬甲散官能打邪百姓歎君不見

西門沈巫河伯鰥吏目乃是打邪官

張打邪懲妖巫也

赭衣囚首蹲階下劇盜誰何秀才也秀才手無縛雞力身無破空翮頭髮三寸鼻涕長一尺焉能為盜拒伍伯徧體銀鏑餘骨立妻來橐夫饕子來牽耶衣人鬼關門但一紙死生呼吸微乎微倅州者誰張傳心目光炯炯秦鏡臨秀才無罪解縲綆縱囚歸理書與琴明日街頭縛真盜秀才痛哭千人咲可憐覆盆之下豈無人焉得陽烏同一照趙秀才平冤獄也然香提鑿城西路男婦如雲共奔赴固原亦是古陽關官去

官來誰與顧萬人萬手攀張公請官飲我琉璃鍾官民本自
不相識往往官民比仇敵惟官說去民哀哀似與官人有親
戚半杯眼淚半杯酒眼淚雖酸酒醇厚此生未必再逢官願
飲此杯增福壽瓦亭公宴來催促官民依依同一哭吁嗟乎
君不見狄道州中楊典史官是耶孃民是子骨肉之親當遠
離爭得將愁變歡喜別固原紀去思也

賀魚門六十四歲生子二首

先生眉壽壽眉長要脚勝酬賀客忙玉女如花能結果仙人有
海欲栽桑祖宗主鬯緣陰德父子傳經具宿莖六十季肖公四
歲一盤棗栗坐書堂

湯餅同人會綺筵玉芽珠顆蚤風肖福於長者非常福天豈茫
然益信天八十裏孫猶未晚尋常課子亦應賢賀詩顯徧中朝

士瑞雪芳梅好歲季

心餘以其令孫所藏畫蘭卷乞題二首

官菜園街拜母時而今萱艸兩家萎看兄瓜瓞蘭孫長想母鏡

缸課子悲

展卷雙鉤九畹長兩峰羅聘妙筆寫三湘兒郎莫種閒桃李種得

花成是國香

雪中雙鷹

園裏雙鷹立雪中驚飛一一入高穹文章太素千林豔天地窮
冬此物雄健覺雲霄非我匹老因衣食盼季豐餅香三白今朝
慶燕雀多糧運亦同

鐘聲

萬物迕相觸吾生苦有情移居無半里猶聽此鐘聲

十二月十四日葑亭齋中看牡丹作

餅金一樹此瓊瑰真个蓮花火裏栽誇與江南邨父老牡丹十
二月中開

東坡先生生日覃溪招同人寅酒蘇齋瞻拜遺像斜川
集有大人生日詩當是在儋州所作用其韻賦詩五首
名德何如紀與羣眉山父子太邱陳琅琅好句能稱壽咄咄小
坡殊畏人青艸瘴連黨錮累月砂牀臥老仙貧投荒萬里君門
別喜得佳兒傷此身

上作星官天上仙下爲河瀆地中傳三逢臘月看遺像再拜蘇
齋展宿緣詩老如公誇有壽江神聽爾訴無田常州城外桃符
換瞥眼冰霜六百季

華嚴文字起微纖小雅詩篇畏詬讒十畝枕榔風雨暗大波蛟

鱷齒牙銛先生養氣存其節

見孝宗御製序

君子知終吉在謙忍死生還

蕪芥蒂中朝名位幾人兼

博帶淡衣氣象寬絕非長頸瘦雙顴高名騰達三千丈春寢裘
回六十季殘月峩眉闕夜闌寒花蓬島薦春泉公平騎屣來人
世猶是仇池小洞天

孤鶴南飛雲際藏橫江一笛漫思鄉李

定

舒直構獄乾坤窄堯

舜垂簾涕淚望不死精靈有此會後生模楷總難量今朝真見
斜川集亦是青城小鳳皇

竹葉庵文集卷十八

除川梁亦呈詩賦小鳳皇
我漢興隆運道不致謀慮
本德開濟漢宗漢宗漢宗
由除川梁亦呈詩賦小鳳皇

回六十一李題以好
無衣禁中郎各出
無衣禁中郎各出
無衣禁中郎各出

竹葉庵文集卷十九

詩十九

吳縣 張埴 商言

祕閣集四

壬寅正月迄三月

壬寅元旦

新正初四祭辛朝初五

君王始受朝萬國迎季同歲朔九衢賀節緩臣僚

折中定禮羣儒服

上以元旦若遇齋戒則不受賀著為令惟

聖尊

天眾福邀無事閉門閒覓句巷中車騎靜無囂

新正四日謝 賜蘋果月橘

上林嘉樹萬株長隔歲花開子熟滌淡綠妙同天上錦

南中染色有蘋果綠

淡紅全壓洞庭霜上辛日 賜辛盤果太乙鐙分 乙夜光六

載校書寬薄罰烏焉三寫恐荒唐

臣在書局六年未曾以錯字罰俸

新季三首

春光在林木百鳥皆欣欣何況小兒女跳跟衣裳新貧家壓歲錢頗具數百文貨郎擅叫賣假面搏泥人以之誑羣兒羣兒歡咲頻是不可嗔喝受欺乃其淳老夫儉衣倉一歲殊苦辛盜泉不肯飲廉石不可烹然亦逐歲華出納見新陳比較去季鬢添得數莖銀

花戶送花人載送牡丹花老夫贈以錢返花爲咨嗟此花受火炙冒寒茁短芽土窟爭新豔衣絮勞周遮雖發上元節已斷穀雨葩看花要歡娛生機取無涯如何代花愁黯然相鄉耶吾鄉在正月梅信銅坑賒冷骨含正性素心絕點瑕何季攜尊酒坐臥野人家

元日五更起獨立鄉庭偶聽茲爆竹聲轟然臨九衢一聲接一聲不斷如連珠大聲如雷霆小聲如瘖夫急聲如弩石緩聲如鳴雛買者衡貴賤造者分精粗及其一粉碎火盡藥同枯凡事盡如此所爭只須臾聽鐸不爲巧叩筵不爲愚至人齊萬籟何藉矜區區

蒼女買花鐙

連宵新月蚤東升醉裏闌干一一凭半世窮官憐小女十分春色在紅鐙誰家緹幕飄香麝無數膏油繫綵繩總博眼甫能一咲灰飛煙燼有何憑

十三日觀鐙

上鐙時候月華鮮月殿鐙橋並可憐好與羣兒鬪佳節反因良夜感中季樓頭星斗傳柑會市上笙歌賣藥錢

菜市口藥店鐙獨盛故以朱家賣藥鐙爲比

人世歡娛原不少舉頭應問老嬋娟

十四日觀燈

朝來釀雪不成陰火樹鼇山市口尋為樂百季春酒熟破愁五
夜曉鐘沈福州詩句紅燈在小宋季華白髮侵誰是傳呼兼列
炬一般迭步盡朝簪

京師惟巡城御史看燈有紅燈數十為尚導

元夜眉中對雪

三殿平鋪六出花全稀封事晚寒加上清高迴明於玉下界空
濛聚似沙打閣春聲非寂寞收燈天气眉繁華膳夫阜隸多歸
去活火風爐自煮茶

十六日夜淡大風稍息孤月愈明同錢秀才步至市口
有作

非風即雪鬧元宵艸艸風光肯放嬌人世羊燈俱不見天邊兔

月亦無聊霜花半夜開門看店火孤竿背影搖宿酒與君拌一
醒幽人清寢未迢迢

開成石經遺字歌

開成建造石經碑春秋之碑六十七中間遺字渺難稽相傳地
震多傾踏繫余嗜古來游秦急埽苔花訪碑室易書以下如列
墉東西角後分甲乙讀之口燥瘖絕聲椎來臂痛攣無力徬徨
萬古立廡下森然二石圭角出細審分明旨左文為字二百餘
二十續看三石臥牆根官牒殘篇詞未畢段絳栢髡陳莊唐元
章師楊敬之道輩臣覃中書郡開國名姓崢嶸劫火遺官階炫耀新
書佚夕陽古木響鬢宮先聖神祇護彩筆倉忙僂呼博士至碎
石砌置完碑側詫於此經為有功請自隗始裴成帙中郎典型
楷代隸叔重偏旁百守一得此五石越四季一石又見太和菽

一石顛名艾晦居與陳玠是為元月丁亥日石數天星合成斗火
爛文光字為墨六經持世日當中萬國諸生道同術蓬萊水閣
大波軒說是遺文被海汨高宗吳后杭州碣似比兒孫非祖述
顛詩完璧紀壬寅溯我尋碑在戊戌成毀離合不可言梅花香
動春林蜜

顛周翠渠先生瑛書海天空濶四大字遺迹

有明中葉士氣申白沙翠渠皆學者新建後起氣象雄粹質良
金出大冶吾祖莊僖亦講學家訓東南推儒雅何人門戶黨為
魁君子冤讎病成痕鄭重如椽四字書海天空濶自陶寫天有
鶯兮海有魚飛躍分明在上下肖賢粟主拜西風書院諸生傳
破社森森遺迹珍琬琰莽莽大聲震聾啞萬安橋字好同裴燕
歎遺文存者寡

二月二日 經筵禮成 賜宴文淵閣 賜臣填 鐙夕

聯句帖一玉如意一綵段一龍尾研一筆墨絹箋各十
卽事紀 恩三十韻

天子開書閣 淵 源 津 溯俱九季成一部四庫富千廚
祕笈羅星舍榮光燭斗樞 經筵初屆啟春色藹全敷風動蒼
龍珮香氤翠鵲鑪玉階平以正銅漏靜無粗道妙

仁而知書聲
帝亦儒是日 講知者樂仁者 壽在知人在安民四句阜康衣會計交泰地天圖 講罷幃纜

撤班分 輦並扶橋迴波似鏡松嫩露如珠雅樂遲遲舉先奏 雅樂華
裊一一鋪西頭編磬泗東首罇鐘鳧此皆縣 而不奏七校傳羊屣宴中 所設諸

王勸酒壺上特命 諸皇子勸 酒並見 御製詩注南金鐫鑿落陳設金 壺玉爵闐玉削盤盃傳酒皆 玉椀容
升懷核天邊有聽歌在無仙人浮海至法曲定場殊桃熟蓬

山頂花明玉女膚昔曾懷囚者今到此閒夫雜劇演十八學士東方曼倩故事既奏

還宮樂雜劇畢又奏雅樂重聞放賞呼皇八子承旨呼機絲天上織帖本

禁中摹換桺看龍尾簪豪賤鼠須丸丸皆易水幅幅賽成都物

聚琳瑯貴臣兼翰墨娛捧來如意也何以報恩乎日月貞

皇運圖書叶睿符六季供校勘臣以憂去職也三殿為奔趨豈足微

勞及而叨渥澤濡公真如量度細不棄錙銖可仿游仙寢遲

看未日晡歸將詩內景詳述與妻孥

文淵閣筵宴上以御筵餅餌分賜諸臣臣頃席在東階第三行得酥餅一

盤懷置數枚歸遺子姪即事紀恩

湯官陳設御筵珍饈餼人間不足論太息小人無母遺也教

兒輩拜

君恩歌成濃露圍裯席宴樂歌濃露之章酥嫩東風謝齒痕餅賦它季添

故事相攜父老說江邨

奉 敕恭和

御製仲春經筵有述元韻

講殿風光天地春

訓人博約總循循

知能御物如無物

仁以安民善養民共仰

古稀天子德不為己甚仲尼身太平致治由經術乙夜月鉛

字字真 奉 敕恭和

御製經筵畢文淵閣賜宴以四庫全書第一部告成度閣內用

幸翰林院例得近體四律首章卽疊去歲詩韻元韻四首

至尊臨幸文淵閣 講幄舒來綵仗移

一聖心源千聖在萬年書庫九季遲今朝果見編摩竣

帝主真無筆削私文武道因方策著 奎章天際應星期

敕

天之命實熙哉多自函函謨訓來三萬六千全數具青黃月素四時該

聖人興學仁而壽

天子傳經德與材并作明良成泰運皋陶歌得

帝歌陪

細及衢謠共壤歌百家眾史入搜羅

開天畫象原如此

錫福敷民盡與他

聖訓宏文同稟也香奩小句敢存歷落成 祕閣張 恩宴酒

氣松風徧太和

春光暝麗金仙掌午景遲傳銅史籌杯獻 南山無盡極椽承

北斗肯乾不盤中蕙脯香初擘天上薰琴韻正悠識得

聖心行樂處詩書至味靜中留

題毛西河朱竹垞二先生合像二首

家學未補子朱子

經義考佚家學一門竹垞曾孫休承爲子言蓋未成之書也

經師何似毛公毛春風

二老西湖上南北峰頭一並高

諸老要多門下士聲名那便應星台湖田竹樹兩清絕誰弔五

亭鄭秀才

像爲西河弟子鄭芷畦元慶所模

哭伯兄九首

緬彼同懷人似花同根枝一花瞥然落它花俱可危予漸過中
季毛髮日就衰驚此凶問至淚下如綆縻收淚復四顧手足非
完肢逝者不可作存者反可悲摧殘到兄弟生理已有虧誰將
落地花重鄉樹頭吹

古之英雄將生入悲玉門玉門二萬里白沙黃艸昏何況是卑
官旅死尤難論東身為廉吏那有貲囊存同僚致賻穉孤嬰出
城闈生不名一錢死得歸中原此已緣天幸惻惻悲心魂
吾祖五十八吾父六十二皆不享大季山頭顯墓志兄運尤蹇
促昨季五十四盛德比古人陰功為政治如何不遐齡骨肉輕
捐棄天人不相感天壽大可憐寒窗哭一聲客棺在蕭寺
艸堂風雨夕多與兄聯牀悵然寫作圖芟佩荷衣裝不見踰十

季音容多渺茫生不長相聚死在長相望安得如鷓風自展六
翮長風吹不曠息置我兄柩旁

送兄到蘭州閭門具舟楫浩浩春水痕艸艸征衣褶隨身無長
物促行有官牒絮語不尋完風帆吹獵獵但見煙水中舵樓無
咲靨舉頭又回顧不見吳宮堞

眉兄於固原弟到傾壺觴山城逼除夕雪大無星光吾媿顧語
予爾兄麴蘖傷痰厥旬月首足頓仆僵予顧語我兄此物誠
腐腸不欲逆兄意舉杯言家鄉而予竟日醒以弟為兄防會予
眉母歸去住紛徬徨兄出騎馬送並轡城西牆不知淚涕下但
無乾衣裳兩人皆盛季此景實不祥可憐作此別此別永茫茫
丈夫不得志每為醇酒醜兄恨滿腸胃此惟弟所諳假酒以自
釋不鄉妻孥談妻孥亦何知但嘲先生酣而兄愛小民心絲細

於蠶而兄任大事賦力猛於魁是非醉者能醒則多自慙州倅
斬設施顏低而心悵逃之糟邱內病果死於痰

廿季不遷官人咲兄才拙惟兄審大甄了了心如鐵其時賊吏

多倉庫公攘竊兄若稍貶損亦豈無攜挈旋踵大獄興一一付

殄滅不見黃金匱但濺西市血王真瑩之獄也獨立以全身兄直古明哲

我上有兩兄下有一女弟讀書歲寒閣仲兄傳最警慧考工與

尔疋口齒書聲脆不到日沈山放學持棗荔而兄守一鐙夏夜

耐蠹螭庭鯉空有訓童烏獨蚤逝謂仲兄詩書何益人季華迭攬

涕小妹長沙去卑溼隨夫壻同生只四人兩生已兩斃死斷今

生緣生結來生誓

哭內兄蔣生壘

布衣兄弟易相思凶問迢迢隔歲知歸去江湖無酒客別來寒

暑誤花期髻鬟風雨烏唬暗門館滄桑鶴語遲并作傷心亾婦

痛營齋營奠復何爲

胡士震待詔表弟哀詩

中季中表已希存語舊相逢每斷魂雪案半生勤蝨簡艸堂今

日冷魚墩君老宅在轉魚墩枯來心血誠難活貧極官階且漫論聞說黃

淮舟楫險一棺容易到吳門

宋李唐畫山谷觀瀑小像

丈夫不與人家國水流花放山陂陀似於天地了無戀何況富

貴能相羅公視世緣本淡泊由尉而遷令太和縣小位卑易稱

職鹽稀米賤無催科匡廬大好讀書處白龍青玉雙峩峩在

指之爲泉水出山復可成風波那道世閒章蔡輩此時積漸爲

人痴李唐李唐爾寫英雄人不肯睂目添酸辛後來要入元祐

黨今日猶是元豐春青春棄擲不足道詩人白髮宜州老貌似未及四十歲人故錢鐘石題爲廬山觀瀑圖也

東書堂研歌

銘曰東書堂書寶又曰割紫雲之片石兮漾璧水之元光蘭雪凡二十字

蘭雪銘自周定王楠教子夏闢東書堂紫雲半段切成研宮詞未竟添鑪香翦圭再爲桐葉賜鍊藥幾令桂樹荒古昔教倉與官渡兄弟開封望洛陽蚤遇吾祖作巡撫恐王亦被檻車裝王伊典稜有逆迹先莊僖公勸其府中官屬縛典稜獻京師研兮研兮洗汴水蟾蜍一滴聞湯湯樊樓且看宋鐙火河閒況嗣漢文章文章梁苑接吹臺想是人人作賦才可惜白頭王長史翰佯狂一去不重來

王昭君二首

花作容顏玉作膚丹青能得一般無而今莫恨毛延壽猶博君王看畫圖

三十六宮溘殿春琵琶聲裏送和親黃金便賂毛延壽未必承

恩薄命人

題畫

屋短青山高江頭開門戶不見春水生但見船移浦

同施耦堂御史吳穀人編修游陶然亭次韻二首

折得花枝滿鬢簪踏來芳艸試新吟高臺落日自然遠野水欲波不在淡冉冉游蜂尋故隊遲遲宿鳥有歸心青春到眼休孤負莫以升沈課六壬

錫簫紙鷁一番新二月風光碾麴塵詩律長篇原有敵酒人名士況相親中季以往蒼頭艾勞者之歌釜下薪輸與吳郎朝氣盛樽桑初日正初寅

題方侍郎

苞鍾禮部

琬遺像二首

江南江北賈長頭三篋河東廟市收五十季肯顛字在
看它二老最風流

丁小雅得宋人王與之周禮訂義數冊有蔗經紅筆點勘望溪綠筆覆閱之字

望溪遺直古人師曾為滄洲說有兒

陳恪勤公仲子樹著讀書為諸生望溪語先祖曰滄洲有子矣時樹著之

兄已為達官方在坐望溪不顧也

鍾氏治經稍後起要非木落不歸時

孔穎達曰皇甫侃傳禮經是木落不歸其本

顛丁小正進士歸耕圖二首

昨過學士

圖銘布

城南宅曾見一蓑一笠來今日擔頭歸計好艸

堂封識待君開

喬木風煙有舊居
濠湖濠茨近何如
外家宅相航頭歷讓爾紛

綸譜讀書

君之祖母予曾祖母之曾姪孫女也

文淵閣小松十二韻

祕閣新成後
雞松衰石杠
分班玉作筍
列仗翠為幢
鬣短纔依

屋濤輕未似江祥光
迎日珥清韻滴星釭
蒙養傳先聖成材憲

萬邦有時高偃蓋
多壽少空腔
雨露承恩渥
脂膏得地厯
溘

廷開圜秦樹長書窗
秀毓

神京產名殊
怪石扛
百花無處

著眾木一齊降
綠嫩茶分椀黃

松黃也

浮酒溢缸

宸游陪宴賞
佳景麗無雙

文淵閣假山十二韻

為山成一簣
愛此碧巉巖
天上人難到
峰頭界不凡
五丁開匠

作二酉設官監
硯磊何高厚
玲瓏特空

去

嵌雨痕添篆籀
風竅

應韶咸

聖德神功峻
雲斤月斧鑿
鞭羊平海若
射虎埽天欖
構得蓬壺

景傳為策府
巖曝書依石
壁無汗印蕉衫
上有仙人奕

峰西有仙人奕几

中疑寶字函
雲根無不皺
艸帶細於髟
欲寫真形橐
方圓五嶽

緘

三月廿九日乞假同翁覃溪季綱齋二校理飯於
文淵閣直廬次韻有作

飯
楊花撲徑送殘春受代蕭閒是此晨為戀六季書局共得陪一

主恩新

是日初設官飯

來朝咫尺江湖遠愧我清華地望陳

初設文淵閣新衙子與二君即被

命恩

留句同文為倡和幾回松翠石闌循

予以乞假送兄樞歸蘇州同官贈詩見祕閣倡和集中

依韻奉答 遷京作

辭家正好綠楊春瞥見風光雪霰晨萬里鵲鴿成獨往一生花
萼不重新飄零舊雨心多苦俛仰停雲迹又陳出處邇來無定
局為農為仕尚因循

竹葉庵文集卷二十

詩二十

吳縣 張埴 商言

乞假集上

壬寅五月迄癸卯七月

拜先兄旅殯於圓通寺

僧舍花開百鳥鳴一棺久寄最心驚
白頭風雨空牀榻春艸詩篇是
哭聲復有紙錢陳此會欲分梨棗
又它生中南山翠如螺髻不剗
千秋萬古情

七月十八日圓通寺送兄柩啓行

蕭索高原鷲蚤秋飛揚月旒度城樓
生惟八口爲廉吏外只中原葬一邱
白日將沈鴻雁斷青春已過鵲鴿
休滄浪亭子盤門寺慘黷風雲一夕收

麥舟謠三章謝畢秋帆中丞姚雪門顧修浦二觀察

麥舟謠麥舟謠潼關四扇城頭高畢公十季鎮其地幕下名士
來如潮麥舟遺我送兄葬八水滔滔意無量大川用汝作舟楫
季季歲歲無風浪無風浪福祿長歲豐民樂作開府哀絲急竹
盈華堂

右謝秋帆

麥舟謠麥舟謠匡廬山如天高章貢水門岸濤舟不沈麥不漂
助執紼來河橋語君義我心忉君是覃溪門下士記憶賤名夾
帛裏招要著屐入花園涼蟬秋感長安市

右謝雪門

麥舟麥舟在河中流道爲檣兮義爲艣君之情兮似水柔與君
已丑爲同季君歸高臥彭蠡煙虎變豹變矢激弦墮書拜受

天子甫郎官聘視驚神仙神仙九轉藥苦辛鹽池未救砂牀貧
天涯哀我無兄弟韓孟雲龍一倍親

右謝修浦

太乙山采藥集二十七首

采藥二首

采藥復采藥采藥上太乙長蝮盤陰湫猛虎攔白日六月有香
會峰峰開石室道人持器械肯驅埽芝朮裏糧從之游艸履布
蔽膝若士雋如鶴賤子小於蝨得藥固可喜無藥亦遑恤豈堪
人屯閒養生轉頭失

采藥復采藥太乙連終南上有老仙人紅顏衰石函揮手招要
我松風語小庵仙人無所營仙人無所貪若務求長生禍比貨
色耽魔王齧其頂雷火燒其龕函中盈寶書與子真誥揆揆看
多無字檇昧心憂悞仙人拍肩咲子縛猶春蠶俟子采藥後敏
我洞門三

宿杜永邨

邨中有故人

范光

八十隱君子可哀不我待已先九日歿其子出

邨迎炊黍割雞豕爲言翁病中相思轆轤比幽隧一片石要煩
志慮里漁竿在橋頭螢火出竹裏舊游如平昔長者今已矣生
諳風后陣死爭柳下詠据事以直書報公只如此

王曲

牆頭嘉樹蔭牆下流水鳴竹窗風啟合山確雲陰晴老人裒犢
出指點屋後耕肯明王府田畝畝皆香杭城南有韋杜此沿王
曲名封建昧古制佃宅勞編氓母寵庶子貴國富諸王爭不見
河南亂福祿栢同傾

太乙弟一坊

太乙只一峰羣峰守其宅一峰最倚後堂皇半天碧羣峰包門
戶入口妙於窄游山鼓初興嫌不振六翮松露滴涼衫沙響踏
高屐六月有火雲不燒山中客

流水石

一石塞中路百水當石亂水作萬古情不肯一日斷石堅萬古
心不肯一寸爛濯我滄浪纓凭爾青玉案飛雨或歡欲走珠仍
浩漫路滑苔斑斑橋通花粲粲是始太乙湫下流之所貫犇騰
落人屯汚濁誰能算彼哉姦臣惇顯名可一歎

鄆縣卹堂寺章惇顯名
且將登南五臺與太乙

湫云云

興寶泉

石樓架松脊小於老鶴巢磴級到樓下仍麗山頭坳山多不覺
山但與青氣交彌歲人蹠絕窗內生香茅此茅足煮會須借仙
人庖暖泉汜茅香馴鹿行林梢

竹林寺

行行入竹林峰瘦竹爲寺青鸞十萬尾奪彼山石翠戛然天風

來寺高竹偃地人生匿富貴彊造山林僞運去無長季緣空輒
墮淚那知空山中白猿多美睡僮子送酒榼少飲不敢醉塌然
陷空谷恐爲嵇謝類

送鐙臺

山頭多神鐙夜夜生敗屋土人詫驚怪供僧給餽粥此僧不下
山十紀臺上宿黃馘耐冰雪行腳去邦族大言誇長生不受季
壽促哀哉虎入門零碎齧枕幙名不注仙籍寃已填鬼錄求道
先祛魔魔在身有毒償還天地劫糜身卒自辱

送子閣

對閣擇陂陀因山開門戶道人上山來埽地設鐘鼓上塑真仙
像莊嚴作天姥香旛招搖入羅拜接尻股來者求子孫樂於爲
父祖孽淡性命重關門先防虎

遇仙橋

江上遇仙人二月開榴花少女山浮黛老母庭績麻盜賊與龍
虎隱語徵幽遐山禽格格飛野日冥冥斜恂悅別之去丹鼎無
黃芽荏苒廿六載兩鬢增霜華頗似白石翁嬾於升紫霞安敢
不知命鍾乳兼河車躑躅遇仙橋憫默重咨嗟

此述予丁丑所遇及今
二十六季矣

下寶泉

山下泉混混山上泉泠泠天空渺環珮地遠浮瓏玲借此一點
喧喚人百念醒口漱石齒齒手芻花亭亭老猿不妄飲攜子如
丁寧猿久不見人寧與人相爭避我上樹頂梳毛一細聽

上寶泉卽太乙湫

鬱積爲神州漢湧生靈湫神龍不嫌小太古潭中休物物在在
外風雨無呼求凌亂爪痕縮淡沲鱗光浮巨木一千章羅列如

旌旂上天星與斗挂此泉上樓捫蘿頭風眩坐艸心魂愁猛進
弗敢止庶謁昆侖邱

五聖殿

初望送鐙臺臺高塞天帝竭來五聖殿臺小如僕隸小石壘大
石千屯牢萬屯非感坤德厚承受恐不濟譬諸慈母恩襁兒弗
夏替殿廊拾級上行客爲小憩茶壚斫松枝果餅雜柿蒂感是
香會盛士女樂豐歲衣會若不遑遑作燒香計

鷹紫石

一石拔地起側銳而進俛春風到上頭細艸不根土體大人難
欺地高物無件桓桓太公烈釣渭鷹揚古嗒然化爲石大鸞啄
貔虎坼裂背星垣皴皴老元圃若張羽翼飛一縑那能取

火龍洞

何以有火龍離位天當中石洞呀然啟鱗甲乾坤紅百沸太乙
水鬼魅吹如蓬那知津液地必藉鑪鞴功埽苔安藥竈井井來
仙翁蓬萊千尺浪溺者非英雄手持光明燭直上蕊珠宮

大壘盆壘石一百三十級

橫嶺何逶迤直峰最峩嶸千仞插大昊一寸委窮壑豐艸没人
骭大樹連日腳一磴復一磴乃怪天地虐半趾載全身儘意付
孤躍飛不逐鶯鷓走不逮狙獮香火出靈寶笙磬動午閣盤盤
翠蘿織暝暝松子落

青岡坪

大峰開坪左直削數百丈結塞絕奧偉矣造化莽且爲藉艸
坐脛踝略小蒼坪右俛中原陰陽一氣晃有邨有車馬眼窮只
可想不斷萬山青壓於八水上坎艮羅地軸風雲布天網千里

作總彙半空特撫掌鐵鑿何代鑄足三而腹廣季壽老於人撫之心怏怏

白龍祖師殿有摩崖刻萬歷七季題名

游山訪古刻茲來一無有想彼漢唐人不曾進山口萬歷一行字波磔亦甚醜不如千季苔縱橫石壁厚無心則有壽何者真不朽人如飄風耳風過辨誰某森森青瑤房開軒一酌酒

接引宮

層樓躡珠斗仙花開石壇哀我下界人欲上天風寒塵濁五十載顏渥非如月如何一寸心蓄此千悲歡竭來一徙倚兩戒萬物寬雲淡竹裊裊露靚芝團團何季復重到石屋騎青鸞

孟家齋

古藤一千丈曲磔當我甬天設此胡牀坐聽山頭蟬蟬聲叶清

磬飛集五色蓮

其花開於陸地

花蟲性命小擇地皆能仙雲湫犇下注山

頭乾無泉土人供茶湯擔水天門邊上下四十里辛苦種譖緣老夫受杯勺不覺慚空肩

登太乙山絕頂二首

今呼爲南五臺

西華接黃河嶽蓮萬人見太乙障長安隱秀獨北面壇場闕祀典百姓造銅殿周秦逮漢唐崩樹畿甸神功眷萬物靈貺到貧賤封巖讓三公香火禿百縣六月乃開山陰厓埽雪霰一上四十里崢嶸頭目眩男子釋鋤犁女兒施釵釧魚貫上山來峰頭拜佛院

佛院高如何三楹起危岫言有天風震鐵瓦墮屋廂山岫看涓灞溝水只寸溜山後接千峰巒光塞白晝如潮亦如濤連連各犇湊久在天地外不能置兵埃陰壑百萬丈渺爾日光透插表

兩石柱鑿奇千人鏤那得縋而下物理不可究手拇扳扶桑腳
趾踏星宿禹橈未應到天竺塵勝覆境靈萬魅呼樓開百神走
茲游出險絕乃歎關中秀咲我江南山無隣太孤陋

下山見火燒樹而歎之

暝色漸欲興下山山谷深可堪夕陽樹野火燒中心水沃不得
熄焦爛無餘陰已避疾雷劫乃遭束縕侵百季老壽極久斷樵
子吟緣盡不能住烈禍非自尋試聽華亭鶴何似廣陵琴

還宿興寶泉

布衾鋪石牀泉樓不嫌小遠見火炬明尚驚未歸鳥新月雖易
落山空若旦曉泉聲接五夏不斷於木杪凭闌獨披裘殘燭猶
未了

再宿杜永邨

愛山乃愛邨邨小風俗淳一日作寓公便是邨中民況此邨中
女吾姪締婚姻團欒艸堂諧骨肉天涯人嗟我墮世網何一不
苦辛肩季送母葬泣血衰經身今季送兄殯乞假江湖辰聚糧
不易得哀哉傷我貧有不知我者罵我休官頻兄柩不能歸何
爲手足親感茲桑下宿暫借終南隣詰朝入城市又踏九衢塵

虎負女行

游太乙峯一日之事

虎負女女子高髻梳青絲手攜香籃上山去斑斕叢莽窺伺之
負女跳躍入雲霧父母邨中不得知不得知望女兒去燒香歸
何遲明日邨頭窳鬣飄紅裙女子坐地淚掩巾母爲挽髮父哀
送重生敘述何酸辛虎不啞嬰兒亦不啞醉人女子非嬰亦非
醉聞說孝順承雙親孝之爲理通鬼神不孝燒香天地嗔吁嗟
乎世間一一不順子安得大嚼指揮封使君

雪門官舍花園角觀察王君時薰招飲予於三十六洞

天卽其地也十季重來讌集爲之愴然

登高曾共醉人扶咲指峰頭神女圖王君畫美人於洞天樓檻之角今已亡矣何必夕陽芳

艸恨朱簾一帶亦黃鑪

修浦席上送徐夏二水部同季出塞

長征萬里待瓜期五載分明遠別離明日出城騎馬送音書代

寄阿翁知

重九日同嘉定錢坵石臺孝經開成石經題名

今朝佳節雨冥冥手采黃花拜石經人感浮生無汝壽客工小篆寫予銘姓名苔蘚存蟣蝨天地文章麗日星誇與人閒諸老輩摩厓勝刻萬山青

又題石經題名拓本後

讀碑如吹風風過一無墮我已不見碑人亦不見我千載題名人復有大不可惡札文囿災鈍刻石師禍我與錢郎來細雨洗塵堞手泛重陽酒帽插菊花朵碑頭篆數字端正不敢跛陽冰在我右安民在我左鋼淡羊頭銳管正狸毛安秦中數勝游斯願今日果刻字人爲王景桓

五姪述烏魯木齊風景偶爲口號

踏雪要踏雪山雪喫瓜要吃瓜州瓜錦雞一對唬白晝高出牆頭鷲粟花

次渭南陸杏邨少府親家寘酒五鳳書院

城東書院敞高臺臺上登臨看渭來枳實蕪風閒處落菊花有興醉邊開兩翁冉冉看成窵一女亭亭見始孩彈指十季容易過朱陳原是夙緣該君生女周歲裏以見子越十一季乃與子十一兒定姻亦夙緣也

魯城南漢石人行

城南石人我老友
季壽風霜貌不改
我感白頭再訪君
君不甚
眉勞久待邨牛礪
角人摩刀雜脊背
相爬搔飛飛蛺蝶東風
動淡淡梨花明月高
荒原野祭多良辰
看其祖宗逮子孫
千六百季人屢換
君獨小篆畱衣痕
君不見千秋亭下兩翁
仲石火
敲殘蕉鹿癡又不見
汴郡古墓石押衙
精靈嘯語妖狐邪噫吁
噉樂安郡國庶太守
玉棺瓦棺誰不朽
漢質帝元季徙王樂安鴻於勃海自
此王樂安者不聞焉此石人紳下字
顯樂安太守則已改國為郡不稱相當在質帝之後故曰千六百季也千秋亭石壇東有兩翁
仲見西溪叢語汴郡周氏墓前石人自稱石押衙見洞微志

孔莊谷農部賓酒眾芳園

為我花園特啟關
水亭相對水灣灣
梧銜落日三分醉
人與孤
雲一片閒芝長石牀
憐白髮鶴歸碧樹
語青山江湖菰米誰同
癯若要還家及蚤還

顏九上舍招集樂圃

廿季重到此園林
賓主相逢太息深
陋巷簞瓢思舊德
力田孝
弟証初心展於老屋
鳴秋葉酒共殘碑
臬晚禽喜得艸堂
落成
後健來勿藥抵黃金

山店

其主人是一秀才

繩牀土銼旅人驚
山店依山半靠城
薄酒諒來無久醉
癯雞嘍
亦不多聲西風浙
米看成凍野竈通泉
似報夏聞說今季
季歲
儉那能衣會仗書生

傳以齊侯遇杞梁之妻
弔諸其室杜預注梁戰死妻行
迎卷記以華周杞梁之妻
善哭其夫趙岐注二人齊大
夫死於戎事其妻哭之哀
城為之崩水經注引琴操云
殖外妻援琴作歌曰樂莫
樂兮新相知悲莫悲兮生別

離哀感皇天城爲之墮殖者又曰杞梁殖也又古樂府有杞梁妻或曰梁妻妹朝日所作梁戰外妻抗聲長哭杞都城感之而頽遂投水死其妹悲姊之貞乃作歌也後來小說謂秦始皇時有女姓姜氏夫姓范氏名杞梁外於築長城妻哭之城崩今臨榆城下石岸數丈曰老龍頭謂是長城舊址城東有姜女廟像島中有姜女祠謂殉夫於此今考築長城始於趙武靈王屆始皇三十三年蒙恬築長城起自臨洮東暨遼海西並陰山以防匈奴晝警夜作外者相屬故民歌曰生男慎勿舉生女哺用舖不見長城下尸骸相支拄臨榆在遼海之畔長城舊址之說不妄姜女當與杞梁妻別是一人但夫姓范又名杞梁則邨俚之傳會耳此其貞義足可風也賦

詩志之

老龍頭說古長城孤芻猶傳貞婦名齊國不曾封石窮秦皇空自築懷清廟中春艸存髻髻島上東風是哭聲填海冤禽填不了季季歲歲可憐情

祥符周君仲迥

世紹

製贈六面印五面刻予與心餘覃

溪葑谷及仲迥姓名又一面顛曰隔千里兮共明月倦倦之情良足环重葑谷歸曲阜矣予與心餘覃溪分韻作詩報謝予得明字又和覃溪兮字心餘千字共三首

豹死畱皮炳有聲屯閒所得塵浮名瓊瑤贈遠山河阻文字交淡性命輕君子雞鳴思不已天邊鴻爪看分明德星要待何季聚梁范周郎滂昔盟

多謝標名辱品顛親鈐姓氏柙中泥百季咲我栖栖者一夕懷

人渺渺兮醉裏和詩眉檢束病中扶杖慎高低謂心餘五君同詠

誰歸蚤新闢花園賦灑西莊谷買眾芳園葺之無出山之志矣

未識鸚鵡孰後先要將駉駉卷中傳合來人數星成五分得詩

才月印千同傳韓非勞比例大名諸葛屬空縣一鑪且共妻孥

語江上漁蓑好雪天

覃溪刻蘇詩補註成以詩志喜屬為和韻

吾家先世吳興人百季遷徙為吳民施元顧禕兩人注蘇者三

生瓜葛同鄉親覃溪補註成八卷同官同巷辱比隣歲朝眎我

初印本墨氣益益梅花春梅花開在峨眉頂六百季來香絕倫

倉囂會客誰題鳳賦私陷人比泣麟此謂元之之子宿不如光福魚米賤

達者辟世繙書晨此謂顧禕東坡於世何嫌怨小人作祟往往頻黃

州惠州儋州日元豐元祐元符辰王介甫與章子厚富貴一一

吹作塵傳燈奎光有餘火大海玉局能通津君不見宋開府華

季季采薦滄浪尊又不見翁學士卷卷收得珊瑚玕漫莊小集

亦行世顧禕詩一卷曰志道集今附以行世日月江河萬古新

次韻覃溪魚門文淵閣直廬作

澹沲韶光及令辰玉池冰泮皴粼粼寶花照耀龍文富四庫書多鈐

御寶寶上覆紙曰寶花講殿周遭碧樹新半山雙白鷺同官同直兩

詩人小臣記憶曾陪 譙在假經季負好春

陶南邨輟耕錄言趙彞齋落水蘭亭今藏吳中分湖陸

氏子撰落水卷流傳世系因補其人任李邦寧之後白

函三之肯題詩志之二首

舟覆昇山波浪長幾家能有永和藏欲將寶帶橋頭水芳芷春

蘭薦陸郎

最惜分湖有舊盟艸堂一水兩湖平淡煙斜月虛窗影不盡千
秋萬古情

分湖在今嘉善半屬吳江一名汾湖張堯同詩如何一湖水半秀半吳江

詠邢房悟肖生圖

房相嗜琴人悟是永禪師東坡愛方外屢詠破琴詩惟古豪桀
士祿相皆有基入世不譚用剉阜染素絲人來古松下炊熟黃
梁時悔不如肖生一衲巾鉢持尚嫌解文字名姓爲人知緬彼
陶隱君無絃頗自怡廬山有遠公招手風月期賢愚要同盡達
人求不飢生可忘富貴死亦鮮瑕疵如何董庭蘭攬結遭羣疑
心餘病中見示近作喜其無衰憊之氣寄此詩以志相

勗云爾

詩如真人息內斂外始有菁華養不涸神光炯可久先生感風
脾一歲不能走如鼈奠天極似蚊荷山阜慣握五色筆偏不良

於手譚展廣長舌偏不良於口乃其腸胃蟠瓊珠與瓊玖長窗
安研席春風對藥臼賢郎詞察之聞聲字某某以兒作通譯以
兒代擊肘牛濕萬弩彊虎號八風吼藏園廿四詠何曾似病容
讀之喜不寐望公壽黃耆若要蓄精氣必先斷牝牡觀空本無
色方丈素離垢君書齋曰離垢方丈焦吐瓊山穀滌生玉池蕩達人揣世務
一一脫枷紐願三復鄙言耦耕歸去耦

崔媼姓梁夫爲武弁旣寡兄姝驅之不嫁傭子家十二
季而外季七十四買棺殮之

辛勤療病逐時添十二季中數米鹽生性老人知儉嗇世涂苦
事是貞廉一棺埋汝同夫穴野祭無兒託里閭自古賢愚無不
外生勞外逸又何嫌

後園看紙鳶

晴雲天半與爭高拍手兒童咲一遭風裏升沈原不定綫頭牽
引又何勞可如鸞鳳能舒翼不信鷹鷂也落毛斟酌治聾春酒
共小園綠色在蓬蒿

送陸月叔直閣同奉詣 盛京安設 文溯閣四庫全

書二首

開運山高仰

祖陵迢遙 祕閣插峻嶒易詩書禮傳金鑑日月星辰布玉繩
大海朝宗天下秀宏文致治

聖人能多君排比籤函熟真到雲霄第一層

四庫編摩屆十季貯書 文溯繼 文淵

祖

宗開初思松杏天地平成識澗瀍此去綠河三月好要看黃道

五雲連旌旗驛路儒臣寵名姓詩篇葢屯傳

題畫廡筓

細雨長鑱著屐遲此君風韻勝花枝江南未到櫻桃會日日僧
樓燒筓時

酌突泉

山頭之瀑通山腰自上下山中漂此泉平地下而上其執以
逆神理超雷聲雨聲若鼎立水氣雲氣當窗驕江海尚傳潮有
信爾莽汜濫無昏朝名泉四百七十八爾爲鼻祖能迢遙旱乾
力得爾之濟淫滂禍豈爾所招煮茶風鑪處處火瀟幫水閣家
家橋落花被流入門戶細石相齧生笙簫一城士女在一水它
郡無此風光饒我來適逅白鷓二亦浴亦舞嬉而跳午時地肺
珠槃動秋日天心銀葉搖要借淋漓露光怪何免瞽眩增煩囂

人閒忙不如閒好古井無波萬慮消

大明湖荷花二首

七月荷花秋水浪花高水淺易消魂紅紅白白開多少可是從
肯舊藕根

花開落子水生波水國蒹葭最產荷彈指卅年顏鬢改紅花已
少白花多

題陸青來方伯肯輩誓墓圖二首

若堂若斧哀溪沙新兆蘆墟弟一家祖有精靈大椿樹兒無泥
滓白蓮花丁季霖雨因時出丙舍唬痕入夢賒昨夜秋風起天
末吳江江上艣伊啞

肯輩瞿休重此公分明晚節誓詞中一錢不載江南去二品仍
然研北窮上菊未回寒食近讀書有蒼艸堂空廿季舊雨挑鐙

諧我最西華失父同

同青來晚步西園采葡萄薦酒二首

不見栽花罨粉廊不聞颯水響芳塘先生不是闕園客合放亭
臺一半荒

葡萄秋熟報園丁也付賓廚酌酒應幾個肯官歌舞夜短檠能
點讀書鐙

荷澤令同季謝君肇洞寘酒歷下亭

水裏城隈亭裏沙一湖秋色幾人家同季寘酒招船渡卅載題
詩看鬢華鴨踏蘆根高似鶴龜游蓮葉小於蝦單椒秀澤牆頭

景何處風光一笛斜小龜如錢大湖中所產卅季肯與檜門先生泛舟每以童子吹
笛相隨

大明湖產小龜如錢大者潘生買兩頭相餉偶為詠之

一湖魚鼈水連天方寸元夫結網邊刮得氈毛能細細戲來蓮

葉號錢錢不堪名物僬僥欲問竊通太卜憐墨海研池生趣
在歸看兒女詫燈角
畜兩龜於荷花缸中小僮盜其一詭言神化搢土求之
不得其蛻復爲詠之
江湖淺水未安居塵土餘生豈太虛做讐百季如井鮒校人一
咲又池魚廚中失盡看封識世上尋弓可歎歎一事差爲靈蛻
累缸花斲斷好芙蕖

題二妃廟二首

翠竹娟娟玉女扉林花片片白雲衣如何燈火神絃曲不祀三
妃祀二妃
蒼梧風雨幾裴回妃有千秋萬歲哀那道世人歡喜極相攜女
娣進香來

竹葉庵文集卷二十一

詩三十一

吳縣 張埴 商言

乞假集下

癸卯八月迄十二月

後園看剝棗

出門四十日棗熟過牆頭曉露全家飽閒雲一樹秋兒童荒塾
課鳥雀巢林幽爲圃吾將老農書細校讎

後園采扁豆爲晚餐

豆莢多風韻沿籬裊裊花瘦來能入畫淡處並宜茶細雨青蟲
迹黃昏活火芽食單論飲饌幾處五侯家

中秋夜後園樹下點鐙

似此良宵景千金買不能旣然有兔月那得少羊鐙老與風光
戀衰防疾病增曉鐘遲莫打醉裏曲闌凭

龍龜

小蟲多乞食爾智仗空縣如磨團團走抽絲乙乙牽殺機能破
網餓口漫垂涎靜閱乾坤理支頤一惘然

蝙蝠

服翼斜飛夕虛廊宿火親偶同小兒女閒語古仙人喜入秋蟲
隊猶爭元燕晨涼風在屋角恩怨總非真

螻蛄

一屋秋燈曉天螻飛復鳴蟪鬆穴未定風冷蟄初驚打檻有林
葉隔牆同月明吾心無孳歛萬物感淒情

重陽對鞠屆十月猶未衰謝吳中信來內兄弟蔣生玉
篆又陶皆已物故不勝寥落之感成長句十八韻

秋老林枯樹見霜窗明鞠午室生光耐寒十日又五日倚壁淡

黃變淺黃昨夜吹風飛白雁數枝編竹插蒼筤餐分天地騷人
秀運與胚胎月令長一削冥冥隨萎墮眾人嘖嘖獨芬芳瘞非
無豔千花上開不爭先半歲藏桃李漫尋驚蛺蝶兼葭合付野
鶯鶻羅含宅畔疎疎蕊陶令籬邊短短牆鋤地不磽分細種灌
畦微暝趁初陽相知斷岸孤邨外冷眼閒雲野寺旁曾約故人
簪鬢去可無健筆寫詩忙橋名呼渡船光福佳節登高塔上
方上方山有塔吳中登高於此也三尺白魚看入市一拾紫蟹不盛筐膽餅供爾粗

裁翦盡稟懷人費忖量兄弟布衣多外器花枝錦繡總淒涼隣
園幾個園丁老舊宅無門宅艸荒謂上沙婦家園亭虎邱程氏園亭西隣王氏歸田園居雨雨風

風肯度醉零零落落少秊場人閒此恨有如此坐對瓊葩訴感
傷

鞠華八首

鞠華等待重陽開重陽不到鞠空栽兒子攙扶過僧舍葉肥華
瘦少人來

街頭人賣重陽糕老夫布鞠堂之坳橫橫斜斜雨風執不縛一
枝青竹梢

古人種鞠只黃華今人華樣多於麻紅紅白白有如此蜚蜚蠹
蠹不許譁

白日看華不肯休黃昏看華華影稠山妻秉燭亦好事庀楹温
酒同醉游

賣菜人言夜有霜收羅鞠朵闕淡房伴我十日五日醉莫說西
風恩不長

先人愛鞠臥東籬今日悽愴霜露時我亦戀華華戀我憐兒蕉
萃鞠能知

采鞠爲糧有落英辭官罷俸似編氓晚風細雨關門夜一幅寒
衾心太平

先生晚節宜於晚不喜三春桃李枝那道嫣紅孤絕品又偏十
月最開遲

微雪對鞠錢慈伯檢討書來論詩寫寄四韻

萬象蕭條桃李無文章正色不能枯老夫欲以花爲壽十月初
看雪似酥迢遞千季香艸思招要三友歲寒圖論詩落葉彤雲
晚吾有芳隣道不孤

次韻答慈伯雪三首

初冬纔集霰小院已成泥雪亂夕陽樹梅先春水溪邨隣茅簷
釀湖畔竹樓顛何日眞歸去如禽返故栖

寒天復寒夜憐女又憐兒閨閣鍼縫急冰霜酒沸遲債償子母

券

歸裝還債初畢

逋積弟兄詩

此詩遲十日而答

若論廣長舌陽秋不及伊

羣動一時蟄而知天地寒鳴熏鑪火燼貂輓鏡臺安餐有一枝
鞠心同九畹蘭廿季今舊雨彈指足辛酸

脩華嶽廟五鳳樓得其磬石是楊凝式題名書一絕句

於後

磬石新移五鳳樓此君癸巳幾季秋

凝式題款或書癸巳當是梁武帝天監十二年凝式已仕于後唐不知義何所屬

若非喚作楊風子那歷梁唐晉漢周

寄壽王述庵臬使六十

滇蜀兩用兵詩人在戰場雲松

趙翼

與璞留

趙文

卷軸皆鏗鏘先生

終其局一一揆虎狼追隨大帥後滿浥功臣殤生蝨積盈胃汗

馬多流滌皮船半空墮雪山如天長腳踏人不到詩非世可囊

銅鼓西風急玉壘明月涼幕府或失警出帳觀櫂槍隆隆復獵

獵半夜刀劍光

此言木果木之役

先生坐杼歎智勇何騰驤而時太夫人

八十門閭望投杼召風鶴噬指愁衣糧世事或錯迕天道難忖

量惟先生精誠幹補人倫彊王事非靡盬慈顏益壽康甘泉捷

書捷寶釧香醪香

天子既郊迎老母亦下堂攜兒坐牀榻看面洗衣裳昔曾饋桃

花今喜無金創那有幾尺喙能語干肝腸於是先生喜出詩理

篇章忠臣兼孝子此心無欠傷名位海通顯臺閣稟紀綱關中

吾舊游土厚民淳良德以陰德最刑致無刑祥記當殺賊時力

大刀有鋼今遇讞囚日心細筆不芒願采玉井蓮持祝壽未央

早編名山集以為長慶藏西華並匡廬龍虎守上方局鏘幾千

歲鬱鬱長季芳

招胡書巢太守小集覃溪以讌新門生不至

卅年蕊榜兩同季相對靈光亦可憐有我蓬蒿埽荒徑誰家桃李會羣仙仕頻三已孤飛鷁名戀千秋幾足虻九九還要翁學士分湖平遠語湖煙

覃溪書巢同季也書巢將買宅於秀水故云

錢慈伯檢討招同馮魚山編修小集獨樹軒分得疎字空庭獨樹影扶疎置酒殷勤翦燭初詩以鳴冬驚鶴鶴寒猶匆月弄蟾蜍佳兒課塾畱殘本好友顛門慰索居記與侍郎譚執日輪今有腳竟何如

子與籜石侍郎在陳伯恭齋中醉歸中道侍郎忽下車指車輪顧子曰詩之妙如輪之圓也頃慈伯詩來自批其後曰此詩如車輪之圓乎故戲嘲之

論詩答友人四首

雲松退老心餘病灰撥陰何並可傳我與先生過五十生才難得要相憐

昨見黃生仲則景詩欲刪遺稟淚先垂生相輕薄外珍重豪氣

哀情兩不知

仲則存時予頗不愜其詩

咲嬉怒罵宋熙豐不與開元天寶同誰與金月庾信是而今只

說少陵翁

蓄微勺藥女郎花梔子枇杷大樹誇此際要從規矩入無言元妙便成家

論詩答慈伯四首

龍門峻極三千丈鯉訓傳無一二言長水侍郎才調別珠穿九

曲見河源

籜石先生

李陵蘇武雲卿比絕代心餘是可人那見小詩傳畢曜近賢風

雅獨存君

飛騰綺麗要相連老劇風情始放顛音韻清諧程校理

晉白頭

蹤跡意茫然

魚門時乞假至濟南

吳儂水調定風波入破聲聲未必多七字好詩忘不得昆侖能到始知河

慈伯句也

趙雲松觀察刻詩廿五卷成予至廣州是九月今卷中喜吟薌至詩云故人來及荔支時當是刻詩時補作故記憶不真予別雲松十四季題此卷後寄懷

君經兵備貴西去卷裏新詩我未看熟過荔支風雨思老尋常棣弟兄寒要能滴粉搓酥淨原覺團花簇葉難少有才名成大集今如相對並衰殘

論詩有感有僂人寄心餘也

卷如束筍問詩來意倦心慵不欲開恐著微詞招怨喙防違直道誤英才先生已作彎弓的賤子原非近斗魁為感腳跟無處所敢將嫚罵作喧豗

有欲嚴刪亾友之詩者故題

刪詩宐古不宐今莫為時賢枉用心九地理魂皆碧艸一鑪換冶豈黃金誰工清廟明堂頌等是山花木葉吟容得完全存睨柱何須零碎割題襟

書巢次韻見遺疊韻奉酬

桃樹元都種幾季桂叢漫作小山憐重鋪棋局銜肯語已過雷霆劫後仙白髮迢迢如語鶴新詩追逐亦鳴虻使君謙賞從頭數海气蓬萊閣上煙

寄魚山二首

吾愛魚山才筆豔蛟宮貝闕海東頭中間寂寞騷人出無數啣啞蚤女謳牡蠣牆邊多寶院素馨花畔弄珠樓菁華稱得乾坤秀纔學文章弟一流

近賢猜謎欲專家活剝生吞老杜誇似欲崢嶸出平易多防鉤
棘損清華卷中要有其人狂靜裏能知一字差惆悵與君論詩
律濛濛神霧隱仙查

冰豆腐二十韻

豆鬻市人貴今多不作糜糜即鬻也石膏乘熱點點豆腐方言也必用石膏麻縷瀘

漿爲炯炯凝酥白方方切玉時誰家誇作贊虞道園有豆腐三德贊高會特

題詩九展成彭訪濂諸君有豆腐會雀巢荒邨有諺以麻雀豆腐處處皆有雞聲曉磨知客餐非所

恪婢買不嫌遲天正冰霜候廚專鼎鼎司如何參變化故以助

神奇截片如肪薄鋪平與雪安似承仙露迴欲博野風吹不爛

堅其骨先生朵以頤漉教溫井汲沸共午煙炊水火窮迴薄炎

涼待轉移蠶窠甜瀉蜜鍼孔細容絲醬滷穿中入薑毛擣末施

貧家無十錦吳中有十錦豆腐寒夜託孤匙戢戢銀魚亂晶晶石乳飴自

然供淡泊亦足啜糟醜腥血因齋眉齏鹽被吐嗤食單題此味

冬讀樂書帷

醃菜十六韻

春啓園丁健煙深雨甲肥蛤蜊盛酒薦蝴蝶滿花飛一一臺心

把青青景色菲入冬論旨蓄上市趁朝暉遂見雙輪載相爭一

秤依清渠淘屋井白版晾門扉入讐彌消縮封鹽聽指揮不宜

歌舞罷獨喜月鐙歸梅引寒窗咲霜濃別院威尋香知酢淺餐

秀暈黃微斷蕩渾無節連筒必破圍婢嫌撈覺冷我以淡忘饑

始愛涼宵永而知熱境非含脉冰沆漑餘唾溼珠璣會因原時

命椎牛漫禱祈貧家誰敗甌齏鬻意猶違

雲松集中有吟薌邀游石湖詩鄉未見也蓋亦後來補

作是日別船置酒請其太夫人同游而子母以穉孫出

痘未與會今雲松與子俱爲無母之人緬懷舊事不覺
雪涕補和原詩寄之二首

酒似百花蜜榆吹三月錢相尋一湖水不見古人船詩誦田園
興山分寺郭煙此時君展會獨我與君偏

風光彈指過畫燭滿湖風姥共仙人馭兒皆白髮翁文章半寥
落出處未全同音信今頻斷誰盟鷗鷺中

與慈伯往復酬韻共得五首

詩小限於才如資不及格初以紇干雀原無大鵬翮春花高過
樓秋蕪不沒展室有嬰媿嬰勇豈搏烏獲循覽古大家令學驪
領摘摘珠非易事腳無龍官迹目眩復心警但見浪頭白乃謂
必無珠媿罵無揀擇嗚呼天下寶多自辛苦積不見照乘來奇
光盈十尺

和顛不次韻元白最合格降及皮與陸高名頗振翮吾愛蘇端
明海頭著雙屐和陶不學陶神妙天所獲大家盛瑕疵不畏淺
夫摘小家要娟淨累不容鍼迹亦覲可憐傳矻矻屆頭白販豚
鬻脂翁勤儉有師擇倉庫筦鑰佩衣食銖兩積若鬪金谷富珊
瑚斷幾尺

物細受苦勞如蠅穿紙格颯然天風御采鳳舒六翮哀哉操土
音歌詩獨點屐雖謀一字安那得全篇獲仰梯長庚星不許蹇
人摘俛瞬坳堂閒盈盈水蛭迹火正祝融離海波陽侯白吹燭
而拈溼自誇慎所擇人壽果幾何空手一無積長狄廣九畝樵
僥只三尺

君家老侍郎錢載飛騰好詩格明明棘猴端翹翹木鷄翮笨伯鈍
語下齒亂或折屐維予不受嚇所聞多剏獲侍郎見我詩亦無

輕指摘檢討愛矩步戰戰巨人迹心小絕無膽阜染再不自詩
當神興時好句豈自擇上林春風動瑤臺萬花積一層復一層
花樓高百尺

君畏大家詩畏其刀劔格子惡小家詩惡其假毛翮一官各貧
薄老矣幾兩屐此事尚贖贖何者能弋獲風淺與霜橘十季手
未摘明月照薜荔似有幽人迹江水沃梅花想見千林白長哦
遣旅愁薄酒無所擇感念古時賢一一劫塵積誰傳誰不傳姑
弗律繩尺

隣宅二十韻

子季十一二侍先祖母居先叔父紙廊巷故宅隣有金氏者其
姬以母事先祖母亦珍愛子有二姨皆二十許麗人每餉子餅
果有小婢曰大奴奴季與子相若姬語視之妝飾豐觀自呈姬片願委身于子先
祖母以子季小未授室謝焉此後奴奴輒引去不數見金翁歿家園零落奴奴不
知所適子時童山不知種情今為感舊賦詩云 奴吳人讀如拏之去聲

歡情隨齒減往事閱季長曾記兒童日相尋歲序芳隣居崇政

里門巷集賢坊翁姥如中表風光滿洞房護寒天竹秀霽雪蠟

梅黃餅餌堆槃有金錢拜節償吳中賀冬至賀
新季曰拜節兩姨高綰髻一婢淡

梳妝勸酒多同席歸燈只隔牆為分榛栗帕每帶麝蘭香旨女

三絃歇陞官一局忙陞官
圖也竈瓠求利市屋角趁迷藏撇掠拋金

釧從橫踏繡牀輸來龍眼荔贏得虎睛餠不覺親媼散俄驚第

宅荒搏沙春夢短劫火古人涼長日看南至東風又一場綠陰

迤寂寂團扇欲俛俛縮地寧重少去飄流不可當姮娥添白髮

花木換青陽若个朝雲女何堪暮雨娘

菱蕩浜二十四韻

母姨適張氏者居菱蕩浜與虎邱近夫婦並鍾愛子子
季八九歲多游其宅或留三五日子欲買紙鸞張翁價
買大文餘者長綆風輪令健夫數人放之野中為戲游虎邱買諸弄具或積至萬錢
不恪今並殂謝詩中所述四十季用事也

浜與金閭近魚鹽百貨區高樓臨大野一水接通衢中有盧姨
宅相過范舅俱荷衣纔學拜花樹正芳敷媪衰為加郝翁牽聽

挽須詫真懷裏寶欲比掌中珠兒以嬉春健天教霽景無出門

攜紙鶴吳人呼紙鶴為鷓著地具茶鑪箏響張弓急風箏似弓有弦銜紅映月孤鷓

也萬錢供戲弄一日儘歡娛糗小青如豆吳中正二月賣小糗如豆大也錫香嫩似

酥化生堆絹細或以火漆或以米粉或以泥工細者通作頭面堆絹作衣褶假面定場殊七里連山店

虎邱西洋徧畫圖花籃樓綫結竹刻篆文摹刻大竹熨平以裏為表篆刻字畫為掛屏諸件怡

遇城隍會清明有城隍會羣奔大小巫騎肖喧鹵簿隊裏擁笙竿綠柳隨

橋轉緋桃入澗鋪歸船人彷彿夜燭岸招呼孝綽多中表牢之

並友于青紅聯衣著梨棗讓架杆老作姻親憶貧艱仕宦途夙

虛臨墓兆生少寄香菇肯人詩手帕麻姑共綫香謂贈遺之物也慈母同懷盡勇氏亦頻奉

遠淚枯斗壇鐘磬地恐亦到荒蕪舅家家庵先母曾重葺之

上沙婦家園亭二十四韻園為公婦會相蔣度友先生之別墅與水木明瑟園比隣何學士焯題扁曰未嘗不樂予送婦祖辰州太守葬會于此後十季先兄偕游靈巖天平婦兄弟玉篆又陶與俱夜宿此園園丁某姓備蔣氏數十季已有貴聚其子讀書韶秀令入坐同飲酒其母聞

優禮其子喜甚益出脯果佐酒予與二蔣生醉臥先兄獨步花徑頗聞鬼嘯喚予三人醉不能醒明日述之以為咲樂今四人獨予在耳能不惘然

明瑟名園接東西對戶扁橋通春澗曲屋倚眾山青一一開花

圃疎疎界竹亭子孫在 cities 臺榭付園丁七月消炎暑何人蠟

屐經擬乘秋水渡借宿綠莎廳三徑賢花萼雙飛老鶴鴿張帆

卅里近閒話一船聽未暇論詩句先謀負酒餅役人朱林勇健負酒一罈以隨琴臺

在靈巖朝翠好茶磨名午煙冥易路千梯上朝真萬笏形在天下

坡催晚磬有火動昏星邨巷春聲急書郎塾課停殺雞為黍食

乾脯雜魚腥半夜闕芳塢循軒敞畫屏芭蕉連野筍科斗亂池

螢落拓今宵醉躊躇昔夢醒館甥同會葬賓舊略彫零涼氣風

侵幔斜光月入櫺真聞山鬼嘯豈是艸堂靈燭淚如人淚金銘

與石銘雲煙總過眼芝朮幾遐齡我欲騎黃鶴因之訪北溟大波軒立處聚散此浮萍

虎邱程氏園亭二十八韻

先外姑程氏之家園子與公婦同游寓其園樓十日外姑並攜諸女來去虎邱無半里夜半連襪上山子語婦曰何如唐昌觀玉蕊花下仙妹婦咲曰恐一隊山魃出沒耳時頗以為歡樂後一季子入京遂與婦永訣婦亡後子感念之撰資青館悼亡詞一卷此詩補資青所未及云

園小傳名勝亭臺對武邱日光分塔午水色到牆浮花落千胡

蜨門開一白鷗每看入東寺唐有東西寺白居易題東虎邱寺詩云怪石千僧坐靈池一劍沈則知今寺乃東寺也到此

始迴舟勺藥春殘盡櫻桃子亂稠全家攜鏡具小婢卷簾鉤十

日尋閑眺比肩必倚樓布帆多歷歷江漲閱悠悠自郡城出許墅關行舟多自園外過

樓上望見風帆肯歲臨南浦令人欲白頭儂今惡離別君去莫淹留斯語

三生約寒煙一倍愁光威嫺雅範中大擅風流合坐寧持障去

長筵要賭鬪月涼金絡索樹罥玉雕鏤虎氣名王暗魚腸猛士

休夜循山徑滑風埽石牀幽苑老梧桐未仙如玉蕊不歡娛原

夢幻閨閣得清游自昔承華族為昏嗣好迷謝娘推爾秀衛叔

每予羞寒地來簫鳳貧居似雨鳩牽蘿補屋短落葉仰薪調已

作秦人贅常聞楚國咻天涯滯王粲地下怨黔婁蕉萃蓬雙鬢

天闕土一抔焚黃餘涕淚告墓遲松楸此事非慳及它季可再

求乾隆三十六年十一月廿五日覃恩以妻封移贈先祖母四十五年正月一日覃恩以妻封移贈先叔母紫泥雲爛漫薑菜冷

蕭颺嘗盡如茶苦如何足抵酬

野豬峰十六韻

峰在崑山縣山之一峰也以形似得名老僧具宜構庵峰下又構小亭庵外榜其楹曰但能留客坐不必問誰居子為諸生時與盛君雲思賦詩賦於使院暇共出游憩此亭上望見芙蓉界橋修竹開樓乃訪其庵具宜物二載矣其徒導禮其塔亭壁有豬字韻詩予與雲思各疊和十首明日重粉亭壁壁窠書之後數季雲思亡又數季當縣儉歲庵僧不循戒律奸民拆庵與亭賣之而火其竹樹焉烏乎不及三十季而同游之人所游之地雲煙如此安得不悲也哉兩人之詩聞輯縣志者錄之而予皆佚其彙故為此詩傳遺事云爾

庵在芙蓉裏花明野衲紅雲淡多近壑溪淡若無風細路茶煙

起斜光竹翠通孤亭能入畫攜手此時同崩劣羣峰秀圖形萬

彘雄出林爭虎豹俛礪亂熊粉壁留題滿蒼厓著句工格嚴

無與敵韻險必撿窮文戰新纔捷是試君弟一詩壇舊有宗辦香千載

上國士大江東乙乙思垂盡學使評君卷曰思乙乙其若抽茫茫恨豈終憐君埋玉

樹辭世斷枯蓬碑字荒王中籃輿謝遠公佛家猶有劫存者已

成翁交忝蕭朱末悲含孔蔡中青山無恙在重到亦孤鴻

橫澤二十六韻

何生一鶚兄弟義門學士之從孫居橫澤在吳郡城北十里揖客三徑開筵五日剖全豕待子庖味甘美逾常皆其堂上監視之樂二子之得友於子也并出學士太翁遺像求頤即一鶚之曾祖也諸之未有以應遠宦積年記其風景貽詩二十六韻令裝背畫像之後

舊族通家好先兄何氏姻先嫂何氏義門擅名譽橫澤有居人賢母

能知禮呼兒為歎賓野航雲水濶藥圃艸堂隣昏黑來登岸寒

暄語及晨承招愧徐孺謬賞到張馴明日開芳宴秋光屬令辰

書堂藏密樹水檻憩垂綸老屋安衣會先人本搢紳闕屏荷嘉

許劉薦咲孤貧霍霍到全豕紛紛暨八珍大螯膏似火鮮鱖脊

如銀精膳良無匹清醑弟一醇何煩絲與竹痛飲那連申頽醉

難勝掖高歌覺有神堅留五日別古誼十分親暇出祠堂像求

頤歲月真阮孚原野展郭太本山巾修爪龐眉樣香囊玉軸陳

配林先泰岱劔口積峨岷令子耽文史詞垣作鳳麟謂義門先生發祥

推所自遺蔭絕無倫二蔣今殂器當時酒客孤懷重鬱堙江湖一斛

酒風雨幾季尊頭鬢雖蒼白詩篇或雅瀆寄君裘卷後祖德鎮

長新

元延銅歌

銘曰長安共廚銅三斗銅卅枝第廿重十五斤八兩元延元季十月造

溼銅形與溼洗似元延製後元康真鸞環雜誦卅五字不見其

醫見其脣孝成改元十月造長安廚器精絕倫三十枝中弟二

十受三斗重十五斤天子荒淫寵姊妹后妃爭妒啄子孫尚方

進藥不自飲嘗膽之苦同美人飛燕藥有苦口者非帝含吐不下咽此銅受酒不受藥

石華廣裏燕支醺猩脣鯉尾不足道玉會九州供八珍只今蠟

扁字如何莫唱當季赤鳳歌彷彿團樂秋扇影可憐禍水長風
波

一巷

一巷皆曉月東西古寺淡兩鐘相對打如客對調琴

圖裕軒學士於漫圃之旁闢爲邨舍號曰如邨次韻題

壁二首

去歲殘春候提壺爲歎門

予乞假同人
餓於漫圃

久營花作圃又借屋爲邨

牛欄雞栖復蘆簾紙閣温天寒要風雪好與孟光論

高士不多宅青山興有餘霜封林屋果雲護石牀書隨意開三

徑安心課六如此爲齊物化真到物之初

頌王文簡公載書圖五首

尚書歸載五車書十匱黃金比不如萊竹絳雲同歎息只畱一

畫禹鴻臚

之鼎

江南書客賣書船明月紅橋櫻筍天想見少季司理日已鈔書

目寫雲煙

慈仁寺裏有書攤收得籤頭逐卷看可惜築成書庫日人如花

老八分殘

竹垞撰池北書庫記時文簡季六十五六矣

緡書茗會賭良辰若个江東日暮雲頭白笑它朱十健甘蕉風

月受彈文

竹垞以鈔書被劾

名位詩篇近代無枕經菲史亦工夫書堂稚子來爭看也識先

生戴笠圖

十二月十九日東坡生日同人會於蘇齋聽高山人

育麟

彈琴

去季未與蘇齋會補詠邢房甫生圖次律琴衲久夢醒東坡笠

屐誰邀呼朝來琴客衰琴訪同我拜像蘇齋蘇海濤千秋酌醺
醪靈風一襲生香爐一絃初動聲何孤二絃丁東漏水壺或并
三絃作一弄君絃尤覺跳平如珠如彼端人正士在臺閣要借
巨老相攙扶風雨雞鳴緇衣好和奚叔向情似疎始知七絃不
肯一手用箏琶嘈雜非吾法只有滾拂七絃同用先生生日或吹笛南飛孤
鶴來江湖不蚤戢影避人去買田而歸何日乎蕉萃枯桐淪半
外嶧陽遺韻爭區區命宮磨蝎分肯定空怨蓬矢同桑弧吁嗟
乎高山人非絃非指妙入神十季曳裾不稱意法擅絕技長苦
貧人間不少陽阿舞勸君且學花奴鼓

小除夕記珠軒聽高山人彈琴了上人吹簫

太平心地最清涼安樂行窩占吉祥世外簫聲僧對酒歲闌琴
韻夜焚香債臺避債多寒舍春帖宜春有畫堂我喜不貧亦不

富儘拌爛醉答季光

竹葉庵文集卷二十二

詩二十二

吳縣 張埏 商言

賜研齋集上

甲辰正月迄五月

正月廿五日銷假作三首

母器歸葬兄器繼昨歲扶攜榭櫛難田舍已荒猶仗俸妻孥相
懟不爲官同懷風雨摧花萼老境江湖倦羽翰寄語親家馮御
史朝衫重著愧君看

馮君罵子不應乞假此姻婭相愛而子兄弟私情不能自己也

昔賢兄姊奔器赴我側辭官爲病行多謝麥舟千數斛得歸柳
絮萬餘程恩償骨肉如償債義了艱難不了情不及渡江墳上
會兩季涕淚總從橫

夏番重到直廬來幾個同季得共陪後輩自多尙輩少蚤花待
落晚花開送人作郡季季有逝水流波一一催文正文襄俱宿

艸日長甄影與裴回

小松藏宋拓范巨卿碑莊谷借寄京師乞同人題詠碑未還而莊谷已歿覃溪裴其遺札碑後并寄小松二首

遺札題名在浮生急景催山陽何日會北海故人哀雲暗殘碑盡風高夜壑回儒林終有傳玉樹已成灰

置酒微波榭莊谷所闢眾芳園之水閣風光迴不畱白頭無外友青嶂託虛舟

蝨字重蕭索鴻篇孰校讎君如過闕里一弔讀書樓

梅花美人

寶釧羅衣遇好春美人魂魄是花身輕寒輕暎江南夜人寢梅花花寢人

月夜二首

新月如嬌女姮娥漸漸長要教圓滿夜眉臉有容光

一犬吠花陰可以引眾犬東風乍悠揚不與看香篆

題黃石齋先生詩冊真迹

先生授命在 本朝順治三季季六十二此卷中詩曰吾季近五十始與兒子親又曰麋兒季志學又曰麋兒亦清灑又曰麋兒有雋氣頗已知文字又曰麋兒在襁褓吾猶未得見但能讀吾書即是展吾面按麋兒云知文字則七八歲可知其時先生季當五十六七在崇禎辛巳壬午間謫戍廣西後之詩也

遺詩八九章銜苦心紆結當是謫戍後欲與在淩絕直臣不畏外非無家室思瑾瑜牢自握蘭蕙亦就衰卷中勤誨子麋麋與麋麋襁褓未見面黯然為開函慧哉蔡夫人寫經禮古佛先生講皇極見佛若無物生兒漸離乳母教之無多夫惟忠孝人感傷將如何

聖朝垂汗青鑒爾殷頑民刀鈇裂胷羞彼作二臣時上命國史館撰二臣傳

九龍山看桃花歌

桃花九龍山下開山上並有桃花栽柳穉三月裊裊動春波十

里鱗鱗來此山合是臙脂作去聲或寓萬斛丹砂胎空裏花頭交
湊合濛濛赤氣相裏回美人賜緋含咲靨連袂疊足胷肩俛不
能分樹分朵看亂紅多處皆天台行廚多謝羅燻炙眾客雜坐
休輿僂舉酒招花花不語東風吹花墮我栢此花不入橋頭水
酒濃水淡花貪醅清明寒食誰窻墓黃鸝紫燕空樓臺如何眼
肯不行樂鮓魚梅子江南催醒中插花花中歌花顏略比人顏
醜獨露一株淡綠裏爲爾又倒金叵羅

文淵閣曝書有懷魚門乞假次覃溪韻

書閣春淡松翠融梯登四面氣靈通聖賢要識初栢地暮訓能
宣萬國風籤帙分明晴照裏緇繩收束 御香中兩季乞假今
重到送客懷人又不同子於壬寅三月廿九日乞假與翁覃溪季桐齋飯於直廬
語別程魚門與翁季並賦詩送行今予假滿而魚門乞假
矣

恭和

御製題宋版春秋分記元韻

季經而國緯正朔具篇中

犧畫琳琅在麟經俎豆崇

君師原一揆

筆削到今同臣與鈔書目鑽研未易窮

丙申冬 上以內府宋版書另編
書目曰天祿琳瑯八卷以別於四

庫派臣填等十人繕寫書成各賞大緞一疋

題洪上舍

範

畫種梅執竹圖送程魚門編修卜居江寧

次韻二首

先生老不帶經鉏畫个辛勤此屋廬巷巷六朝飛古燕鱗鱗一
水賣江魚竹分酒綠初開讐花與牆高好著書北固雲晴如問
渡石頭風滿未愁予

藥徑分泥竈引泉白頭詩卷太平季兩兒兩妾能成宅有竹有
梅可當田老境栖栖惜筋力高名鬱鬱瀉雲煙那知樓閣華嚴
地真有餘錢買輞川

宋孝廉

葆涪

畫種梅執竹弟二圖再送魚門末章兼訊

袁子才翰林二首

少歲江船我每東娑羅樹下

在宏濟寺

候潮同全家春水誰歸客一

段斜陽幾寓公閒有心情桃葉渡絕無離別石尤風杖藜消受
看雲處竹韻梅香拓十弓

九曲青溪曲曲長朱簾垂下靜鑪香雨肥兒比黃梅熟坡暝公
如晚筍彊有此林泉有此屋不須富貴不須忙芳隣寄訊隨園
容社鼓逢逢醉幾場

詠錢忠懿王金涂塔版

天目真人有子孫錦衣玉帶作功臣躊躇八萬四千塔勝十四
州送與人

春雨有懷故園之作

春雨楮頤最耐聽賣花天气不須晴一池科斗櫻桃小四檻雲
山水墨輕琴護蓑衣因客送酒來江岸有舟橫橫塘風景季季
好白髮相思黯黯驚

題陸謹庭孝廉松下清齋圖

兩個長松與屋鄰風光迴勝綠楊春黃蠶素蝶無尋處妙墨名
香有一人釵細細長雲似穀粉娟娟淨月如銀世間清福原難
到不必江湖爲采蓴

題王上舍

尚珏

蓬萊閣讀書圖二首

蓬萊閣上風冥冥刻石之杲燒

去

六經如何後世讀書客不畏

大魚來出聽

文石遙連彈子渦濯纓濯足且滄波奇書原在蓬萊頂不到三山可奈何

涼棚

繩席為舒卷書窗借蔭過偶然嫌趙盾不礙近常娥鳴雨船蓬似含風豆架多晚攜小兒女醉坐醒吟哦

冰

官冰猶未送五月朔纜送冰巷有賣冰人小作礬山供相於黍几親凍蠅能塌翼沃鼠漫焦身要爾陪三伏炎炎耐此辰

王瓜

百錢買一對京師獻新論對以賣小比五銖輕蚤出矜時運鮮新閱世情權容如臂大好待滿園生惆悵霜資定廚孃著意擎

櫻桃

江上野櫻桃過牆數尺高艸堂留一鎖却鳥敲千遭又見筠籃物迭驚雪鬢毛彫零諸酒戶不似舊時豪

後園晚坐

半日雷催雨牆頭又夕陽棗花香似蜜禽臬脆於簣貧賤為身累碑銘與世忙白頭當此景殤詠亦何妨

戲為陳生賦橘枝詞題畫三首

江上秋蘭纔過時江頭秋景木奴知儂家水調多翻徧只合船脣唱橘枝

一幅風蓬滿滿添不收蓬腳晚風尖與郎使方言謂使風也到肯邨宿橙子酸酸橘子甜

與郎同上八詠樓與郎同作爛柯游戲黃帕子分紅橘秋水茶

鑪此一舟

送胡書巢太守以郡丞補官並寄陸青來方伯

西蜀移官東海東蓬萊閣上有天風十季作尹多稱佛今日爲
丞不怕聾蒸未盡殘猶對局船非全泊略收蓬青來清德兼師
友好與商量出處同

蚓

艸堂風韻晚來天最好瓜膾雜芋田一穴自藏雲外雨數聲相
近水邊煙螢光熠熠人墟市鼃部喧喧物管絃此景季時忘不
得橫塘東去太湖連

細雨

細雨輕雷半夜聽朦朧枕簟意惺惺浮生離別原嫌促好寢流
連不願醒當閣涼風皆蕙畝隔簾小婢奉銀餅驚鴻照影橋頭

水可是無緣不再經

雨中漚

山雨坳堂特地浮雨中成就雨中休老夫不到黃梁熟看盡千
漚與萬漚

孫喜印歌

孫郎衍星寄示孫喜印是其小名命曰喜父母授悅祝長季賀客
在門奉弧矢冠而讀書破萬卷讀書只到秦漢止瘦不勝衣貌
失之長頭大鼻等閒耳丈夫詭異生此才要不無名沒濛汜如
何三十不稱意落拓醉禿長安市市有小印溼時造繆篆蠟模
實如此今之孫喜熟六經溼之孫喜無名子千數百季落君手
劫火燒膾珊瑚紫人爲孫郎賀我爲印賀矣一物精靈天地間
茫茫覓人九衢裏既無零丁帖子在又非插標以賣爾何緣相

識便逢君摩挲情意柔如水孫郎孫郎爾亦自珍重莫與變童
息子印臂用好待千秋箸述成卷卷新書同壓縫

後園雜詩六首

吹盡榆莢錢蟲絲墜曉露不能松柏堅去季折半樹

裊裊復裊裊今季祝有秋鄰家梯可采一半出牆頭

萍秀紀夏正老而昇作帚要使治堂階一塵不許受

彭亨未結食花已繞吾廬老夫辟諸釣所得不枉魚

青跌承黃萼掩映晚風吹收成作面藥容悅感君知

遇酒便成會逢花總是春無愁亦無喜無事即良辰

恭進

聖駕六巡江浙詩四首

時巡諏吉五雲連翠阜朱旗日月邊一道金隄看護海萬家春

柳欲浮天魚龍氣靜滄江楫菰米香濃 御仗煙要使東南諸

地利

聖人籌及萬民先

六度承恩輦路過雨暘寒暑並調和

治先衣會農桑重人覺期頤耄耆多豐樂常季頻減賦太平有

吏少催科幔城夜肅期門士風送鄉邨擊壤歌

湖山逸勝建書樓 三閣岩堯最上頭

天子傳經開溼殿諸生鼓篋到瀛洲考文議禮歸

皇極養老尊師錫

帝疇

聖聖心源東魯在宮牆六拜肅

宸旒

孟夏風光屬令辰
龍舟回棹拂芳蘋
花開水驛晨光燦
詩寫江山

御筆春介

壽三元逢歲甲延

禧五代自天申
一芹一曝蒙

恩德總紹千祥奉

紫宸

鉏園

穀者命之本
蔬者穀之餘
今季少春雨
乾菜無一儲
入夏見瓜瓠
價貴如花豬
百錢上市買
不足半盎菹
闔人步後園
喜地且曠
如有百鳥鳴
交柯紛薪樗
下有百蟲穴
荒艸因泥淤
不如罄斬刈
方圓界一祛
蠻奴慣阡陌
長鑿東西除
畀使地力顯

如毛一受梳
倉皇諸蟻垤
蕩析門戶居
一一付崩裂
不得安故墟
我謀爲口腹
犇竄乃累渠
老槐在牆根
徒爾莫躊躇
可以保家室
風露樂相於
珍重全性命
毋爲彊者吐
鉏罷山雨來
我擬種雜蔬
廚味久蕭然
忍饑姑俟諸
人力若不勤
生計曷以紓
無功而會祿
奇禍緣包苴

雨

罷直無客來
閒景最宜雨
今夏出新意
樊遲請學圃
賃屋月八千
湫隘小庭戶
只喜屋後地
空曠非斥鹵
木犁一翻騰
無蔬不可樹
大塊破之小
惡艸聽其腐
雲雷起東北
雨陣適過午
急點洒芳園
如兒得湏乳
溝渠漸四溢
潺湲受以土
水土合精氣
網縷人莫覩
遇有甲坼者
剡剡青鍼吐
皇天無私情
稗蕘亦鼓舞
有生必爛漫
被闕乃錯運
農野視官人
高與霄濤伍
豈料生事

拙半世媿甌甌丈夫灌園老此亦未爲苦讀書味經濟章句迄
何補聖賢享大烹功德權千古自揣一日爲能否勝廚簿賤子
食其力庶祛鬼神怒

種蘆菔

歲月當自惜黃金不可求以爲子孫訓不如從耕耰吾畦頗不
廣五月涼風稠長光雨初霽盡畝分良疇根苗皆可食蘆菔亦
芳羞播子概從密且芟且可留尚須九十月收斲屆晚秋廿口
食一斗轆釜酸鹹謀所種無十斛能益豪末不那得竊息壤可
漣洪河流吁嗟誠繆誤仰給安擇周吾無壽百歲何作千歲憂
東家始阜隸西鄰起屠牛不耻不慎術泉刀滿牀頭鼓鐘列五
鼎鄭衛揚清謳彼自善行樂吾亦淡無愁

復雨

蘆菔旣下子累日怕乾嘆擔水水泉遠蠻童汲井憚督領若太
苛事必敗於悍彼亦猶人子詎忍肩肉爛半夜響瓦梭料是雨
點亂涼鐙倚在壁斜風暗開幔喜心不遑寐推枕乃待旦天欲
濟吾事相湊不能算積地溝水滿仰雷星光粲行園躡雙屐似
到野田岸鼃股擲復鳴鼃絲溼不斷四鄰無人聲艸露瀉混瀚
吾視吾種畦青青茁堪玩力小莽負土殼細獨帶幹陰陽受鞭
迫風雷交布渙甄不可終日渾噩於此判天道盡呈露人事要
衛扞童正不失蒙卵成寧毀殿老夫食指動嘗新在秋半

隙地童子錯種煙艸旣漸生活亦不拔棄

煙艸無用物乃擅九穀利種煙勝種花葉枇杷翠羅采皆銅
山叫賣雜酒肆晾曬聶切法子詩姑未備公卿及窮戶閨房到
童穉結習多嗜之滿屋雲煙醉吁嗟此蠢民奪盡閒田地吾園

賸半角小豎矜新智乘雨插煙秧亭亭伴野致明知非蘭貴不
忍作韭棄天生植物中野葛水莽類宗生山澤閒流毒最心悸
手且無斧柯不能操斬秘矧此非極惡爰書在其次不見霜降
時根亦摧薪使

園中雨望又恐積水有傷吾圃

倉庫要牆高園居要牆短四隣之煙雨會於吾書館樹未秋風
涼人作春寢嬾妻子在眼肯不是無迭伴感念關山人路滑欲
腸斷誰家治晚炊野火溼禾稈吾亦待飯來一盃一酒盃盃中
何所有瓜豆盛未滿此物漫輕看今春初苦旱近又積潦淡小
車入城罕老夫闢一畦爲計苦迂緩戢戢水損苗幾時飽胃脘

種菜

初伏種蘆菔三伏種冬菜江北擅黃芽江南產弗逮安肅李秀

才牛車常捆載老夫乞假去書局有受代此人亦不來炎涼感
鄉背人不如此物見霜而久耐雨苗與煙甲一氣如潑黛今季
三月閏蚤種頗不礙停鉏夕陽裏買種上聲老園內圓猶藥丸勻
細於魚子碎一家妻孥齧五穀乾坤配待其長成時芝菌亦引
退馳蹶猩猩脣運過弗能再百季得長享所以不可廢不才山
澤士寂寞漁樵隊逢時厠搢紳縮縮含赧態門生餽蟹諱室婦
齏鹽對非分會珍錯無不成痕塊而何世之人至死卒不悔吾
生寄此畦肯緣有所在

芟蘆菔

蘆菔種盈旬其葉大於掌其根旋下達如芋略可想初時播子
密根多不並長十拔棄八九始覺吾地廣由是畜養成秋淡兒
臂仿拔根必連葉予心鬱怏怏青青正滿畦雨後越滉濔空園

本無花遇葉亦可賞如何忍汰之並生獨受枉園丁乃大咲全
兩則傷雨不拔根又大塞破徧九壤口插幾張匙物多而盡享

茄子試花

人家種春茄吾家種秋茄春秋運遲速結實無爭差朱門饜肥
豕易視瓠與瓜不知天下利多本農圃家童子朝開園紫氣如
山霞花頭悉倒挂八出爛漫佳盛者八瓣一花報一實是物無空葩
先具彭亨兆徐露葳蕤芽比諸古丈夫不以輕諾誇老夫秃相
賞勝過牡月花

竹葉庵文集卷二十二

竹葉庵文集卷二十三

詩二十三

吳縣 張埴 商言

賜研齋集中 甲辰六月迄十二月

六月朔招同王審淵兵備莊羹堂侍講王秋樵馮玉圃

田鐵舟三員外集賜研齋

初伏初交天气新眼看河朔興相親酒邊涼气尚宵雨鏡外殘
星舊日人凌芡不能開水閣芟荷無恙稱衣巾春庚秋蟀尋常
換贏得修尋白似銀

洞房

六月花園蛺蝶飛倚闌紅裊泣芳菲洞房金鎖誰拋卻雲雨山
頭滿妓衣

屏風

翠織屏風十丈開，波濤鯨尾出新裁。蚤遣安排金獸炭，莫教郎臥中寒來。

寄顛心餘藏園養疴圖

大江西有蔣氏園，名園曰藏藏不得賢。士大夫託栖止一艸，一木矜顏色，何況後人尸。祝地山高水滾想釣弋，心餘墮地不能藏。霹靂一聲在九域，君在子雷震一聲而生故小字曰雷中歲稍稍掇，勳科養母十季。

謝官職，予勸君藏君則否。

兩致書於君未果所約

再出山來老景廂。

天子記名作御史，鳴鳳朝陽人望亟。一日病癢拜跼難，上殿不能只匍匐。大夫賦命欠通顯，尊菜鱸魚漫啾啾。啾啾無已時，藏病藏園坯未塞。天下有耳皆震君，博此虛名真不直。不能塞得黃河源，不能成得黃金億萬斛。乾坤跌宕才千秋，風雨淋漓墨君今六十頭。盡白我過五十頭，不黑濟南初會到於今卅。

度荷花水亭側，荷花尚作少季紅。副相金檜門先生祠堂半荆棘，寄詩顛爾養疴卷。要爾精氣謫闕齋，師門贖得兩人同。金不可寒石不泐。

圃屋午暝

淡林小屋午時暝，賓客稀過最晏然。兒健鈔詩涼雨後，婦催作去飯上鐙。先雞蟲得失原時命，荆豹存亡並在緣。緣起便知緣有住，豆棚飛過一聲蟬。

喜四兒到京

鵲巢鐙花兆果真，漕河安穩送來人。憐渠有婦常多病，問我爲官只是貧。昨尚天涯今一室，語先墳墓到姻親。衣衫與父無長短，無負鐙背鶴立身。

翁覃溪詹事將歸以詩迎之

每夜雨聲繁思我同心友塞水易成河遠渡但招手山頭下山
脚山花在鹿口月圓遲君歸吟詩隔牆有

覃溪歸自熱河寫示新詩甚鏗和其山行之作緬懷舊

雨情見乎辭二首

肯歲熱河去心餘病未增此在庚子予與覃溪蔣心餘同行故人今蹇蹙大雅獨升

騰山店喧連雨詩情瘵一鐙季季灤鯽好半夜有漁曾

記得石梁下論詩興未闌松棚容月入山轎對牀安此在丙申予與王述庵還過三

道梁山店無牀移轎同宿月中松棚之下依舊林花閣相連水寺灘鶴飛應有壽僧老得

同看

聞魚門以病留洛陽未至關中

傳說先生病音書亦未真難為垂老計最是可憐人蕩爛荷花

老堂空夜雨頻刀鏤愆爾約況念掌珠珍

答許春巖臬使同季自滇中遠致書幣

三十六鱗鯉盤龍江最淡故人多厚祿萬里寄兼金此水通廉

壤同苔豈異岑菱湖舊鄉里何日共湖陰

擬唐人小樂府五首

刻鞞下階迎雙蛾畫不成明知王事促不敢問郎程

與郎摩佩刀與郎縫戰袍勸郎休半刻明日馬蹏勞

賊不動干戈如何離別多歸將賊顱骨與妾作柘螺

螢飄鏡閣肯竹露澹於煙來夜聞羌笛愁長似一季

僕射父兄親鞏涼未苦辛秋瓜畱爾喫歸日是良辰

課睡

疎嬾百無用午中課睡定驅蠅徐掃簟謝酒不吟詩僻屋無人

到南窗返照遲蟬聲猶近聒申足慶回時

七夕直廬

萬家瓜果看銀河，裊裊鑪香澹澹波。今夜直廬花畔坐，葫蘆已老水荳多。

乾隆甲辰七月八日，寢過一莊院，登一樓最高，敞樓背大樹花蔭數十畝。莊中人云：此地名紫里荆，因此樹得名。百里內有三荆樹，此其一也。醒而憶念兩兄，故紀以詩。

兩兄零落入墳邱，一片荆花夜雨愁。寢裏不知身獨自，花開時節卻登樓。

論明詩絕句十六首

諸葛先生梁甫吟，二桃三士寄愁深。文成不是真魚水，一代淒涼樂府心。

袁凱新詞楊白花，花如白燕避風斜。夜深犬吠何人句，花已成

泥燕去家

凱撰楊白花樂府，或進讒文皇，謂憶建文君之出屬望其歸來，欲種楊白於淡宮，將時花萼於何地。凱偽風疾，文皇以木鑽鑽之，忍死不動，放歸。凱先擅名賦。

白燕詩

啓不舛於魏杞，山舛於不作侍郎還。天教風雅能黃者，伯仲隨州賓客閒。

以刀割水水不斷，何況分唐初盛中。變雅變風人聚訟，母將品彙別唐風。

月泉吟社未彫殘，勝比科名黃牡月。不耐醉樵詩品下，麤才道士領詩壇。

神童宰相一時誇，蠻語參軍未是佳。福命勝過楊孟載，清華不愧李長沙。

竹枝清絕薛文清，滄江愁絕王文成。

萬里滄江生白髮，幾人鎗火共黃昏。

石齋醞釀騷

人筆天籟詩妖見物情石齋正人然其詩哀愴濃促亡國之音謂之詩妖亦可

心之所好原難拗活筆微參乃是通辛苦于鱗與獻吉笨蒙措

擊外蒙攻

生子當如四皇甫子安不肯作蜂腰中丞禍酷完雙卵一鳳居

然麗九霄小美不臣言雙鳳

詩序何郎明月篇顯誇絕迹少陵肯仍然長慶當時體不枉開

元天寶先

同輩名尊白雪樓杜生杜外作詩囚三生石上精覓渺其罪成

於王弇州

但無鹽豉徐昌穀絕憐衿肘邊華泉我不左袒分南北要有聲

名在自然

萬里投荒三十季此君濁世最翩翩畫成垂柳垂楊句拋擲橋

邊與路邊

南濠都氏讀書燈風月譚詩此技能輸與對山能救我桃花千

樹一青蠅

少卿撰南濠詩語唐解元居桃花鴨鎮院之禍都實發其事也

吳中有客歸季思一千季後學陶詩不嫌瘦薄能冲澹除却東

坡說與誰

竟陵詩派接公安燼火愀然夜雨寒不道後賢沈著少風流無

字儘人看

蛾眉行

六月園中榆樹生毛蟲七月蛻為蛾粉衣黃脚雙眉宛然娟秀莫比乃悟衛風比喻之切作蛾眉行俾證詩註蠶蛾之訛也

老榆生蟲化為蛾一蛾出樹千蛾多初疑落花作隊舞又道素

蜨成團過撲之紈扇得諦視雙眉嬌嬈如嬌娥詩人國風善體

喻遠山新月全輸佗四翅六足雌雄接夕陽亦臥芳艸坡憐渠

七月秋風起謠詠不長天地理若長三春桃李時眉圖妝鏡玉

人窺牆頭馬上逢京兆那有秋孃薄命悲

宋孝宗書執扇真迹

詩曰春雲初起拂青林冉冉因風度碧岑既解從龍作霖雨油然出岫豈無心後鈐選德殿書四字

小長璽

春雲初起十八字小璽文鈐選德殿中央一尺四角刻識是當

時舊宮扇蠟丸未寄北朝箋蠶口自成南宋絹阜陵垂衣廿七

載游執小康勤筆研徽祖字與太上字瘦金骨換蘭亭面

帝謂胡銓曰朕

在東宮只習徽祖字夏習太上字

顯扇從龍作雨心思賢祕閣中書院紹興有將反

議和乾道無將乃議戰不贖長城一兩人未信西湖樂於汴英

容閣上漫驚秋十里荷花捧扇游不似華清當日事

孝宗和洪邁玉津園詩

玉津燈火望樊樓

虞伯生書訓忠碑記真迹

記曰天歷二季春三月甲子天子作奎章閣柯九思為參書日以圖史侍上上諭其

鑒辨博洽顧問家世侍御史趙世安進曰九思先臣謙嘗與修國史出提舉江潮學事以終其墓碑今侍書學士虞集文九思以說書事英皇潛邸至治末去伏田

里乃今遭遇聖明去季羣臣度義效節以奉正緒區區微志無有大小悉簡上心臣以為若九思者父教之有素也上曰其賜碑首曰訓忠仍命臣集書臣集乃稽首述贊云云隸書卷首頌曰敕賜訓忠碑五大字篆書此文道園學古錄及類彙俱不載故節存之

攀龍附鳳何人彊大寶復以歸懷王小臣九思伏田里亦來天

上承恩光訓忠之碑天子賜臣集作記工文章記三百言言典

重述其父謙多義方吾皇教忠復教孝大書深刻墳頭岡記成

已已三月後太白或未經天長父子兄弟同一體聯敘天屬為

人綱下達庶人上天子倫之有墮道必荒何人譖進脊令頌爪

旡能延花萼芳

吳居父行書真迹五段

張顛楊風俱不惡優孟衣冠弗偽託

陸游詩艸書學張顛行書學楊風

學蘇乃有高

月陽述月人學米乃有吳雲壑述也姓名弗脹脹珺也風流事如

昨扁舟橫摩大江風顛名咲倚紫金腳遠樹初明北固樓寒潮

正打秣陵郭外家兄弟恩意全賸水殘山此閒樂榴花團扇御

苑開琚有同光宗顯安榴黃團扇詩北宋黨人皆命薄今看遺迹得五段碎錦不全

未寂寞一百一十八驪珠餘霞海嶽江頭閣

朱碧山銀槎陸月叔侍郎同季席上賦顯至正乙酉者孫承澤所藏顯至正壬寅者朱

宛所藏此顯款正是北平之物其銘與詩與王士正居易錄所載並同高士奇誤以孫槎卽宋槎故乙酉壬寅不別也朱彝尊李長季是詠孫槎宋宛詩是自詠其槎故曰背鑊至正壬寅字高珩曹爾堪施閏章詩亦皆詠宋槎故高曰子京季來亦可憐曹曰宋公本是神仙才施曰猶存至正壬寅字也若厲鶚所詠馬氏之槎詩無明文不可知矣又居易錄所載是孫槎而宋荔裳招同賦詩曰夏愛銀槎古則是詠宋槎不可不辨也

魏塘巧匠朱華玉冶銀造得銀河槎兩槎乙酉壬寅字雞虎先

後歲月賒西歸於孫寅歸宋咲它不落誇銀花白傳詩銀花不落從君勸此槎

合是退翁物刻記出自柯庭家價上刻康熙五十八季柯庭居士記印曰汪宗柏記中不言槎

世系我辨銘款良不差槎有廣脣能受飲槎有薑屍能槎枒精

鏐一片入斤削鍛火千竅窮按爬節節虛中已剗竹鱗鱗薄膜

初蛻蛇開爐要奪天地祕無槩不許仙人划仙人對客勸客酒

雖欲不醉何能邪月之既望秋景霽石闌高屋無雲遮酒星招

搖酒槎大海中拍浮星似瓜博望小侯幾陪宴又看送客日西

斜

一竹齋圖暉南田畫扇也阮蘊邨以貽程舍人東冶東

冶復購暉遺札與一竹齋主人言畫扇事喜以為合璧

而扇偶失去乃彷彿臨此扇與此札同衰乾隆甲辰七

月廿八日雨中顯其後

種竹千个不為多寫竹一个不為少誰家贈扇已亾羊今日顯

詩亦過烏風亭月幔畫中開畫又難尋寢影來多謝塞暄畱數

字墨痕如雨滴青苔

中元夜星星鐙歌

園中拔蒿蒿成樹羣兒哀置街心路日落未落叫吳忙蒿高八尺香千炷縛香作花蒿作葉花吐繁星葉隱霧一香一火上下接一火一光東西布初如亂螢流月娥相隨屋角住嗣如鑪炭爆青煙氤氳半空度復有小兒肩蒿來蒿短香稀自珍護不能爭勝亦恣然羣兒揮之不入數我勸羣兒且勿雄意氣香燼灰飛不得鐘鳴駐明日枯蒿滿道旁乞兒束去煨墟墓

倣樂天簡簡吟七月晦日作

一鐙熒熒一鐙暗朏月無輝晚鐘撼蠟淚盈盈瀉作波碧艸叢叢細於毯美人十五擅華季絕似一枝紅菡萏鐙角拜佛不聞語料量芳心自多感手弄琴徽裙帶長髻對鑪香花影淡巫言仙女仙山客阿母剗下紅巾擊千金寶玉不醫瘡十斛月砂豈鎮膽那得人閒有繡絲何處畫圖裝錦暉寂莫沙洲天地冷簡

簡吟成老夫慘

新安令李南礪

文藻

遺像二首

吾生未識于懸客多聽同人說此人惠氏

棟

九經傳小學能供

梨棗亦功臣

君刊九經古義行世

東原

戴震

病誤石膏涼可惜通儒信濼方那道傷生李南礪荔支

三百中膏肓

顓葉筠洲副使

士寬

遺像三首

有序

副使既家居約諸生爲會課屋後分拙政園之半而爲園於園之隙地仿爲號舍數十楹一晝夜爲七執而評其甲乙先是吳中郁君九如以老諸生爲經師嗣陸君桂森李君敏成以進士在里中俱授迂然皆取給諸生脩脯副使名位既稍通顯又豐其飲饌給紙筆應府縣鄉會試必有贐送於是學者喜從副使

游憧憧多百十人十數季中後起時彥出四人門下爲盛而副
使尤盛然皆文字相感無入主出奴之黨而大約善假獎譽成
其名嘗記李君課一生卷乃錯圈平它一生之屍葉此生以告
李君曰無傷它生之文亦須圈也有招子課於副使園中會者
六七十人副使拔子弟一僂諷令往負篋子時以塾師蔡先生
爾浚初懇謝不可亦不忤也然子進謁亦少疎矣此子不樂埶
副使而非副使之不知子也副使物三十季其外孫趙舍人出
遺像求題爲之愴然因詳書之補墓表墓銘之不備以志引掖
後進如此之汲汲而爲士大夫所難能也系之詩曰

臨頓橋連北寺橫葉園花放樹藏鷺曾分筆研嘗精饈也抵黃
壚萬古情

風月書樓石屋邊公能未老卽歸田我今白髮顛公像已隔堦

塵三十季

同里時多賢搢紳尚書銘墓最情親重看太守銀鉤字秋雨殘

碑盡古人

像後同襄墓銘墓表並亡友徐鄰哉書尚書謂子座師彭芝庭先生今六月薨逝故感及之

煙花行

老圃種煙不養花養花成時怕葉瘦我今不爲種煙計葉聽蚤
繁花晚茂辣性漫託薑桂似豔色乃遣焉支逗風中無香彈海
棠雨裏微紅坼豆蔻圓筍長柄粲可數素虵黃蠶遠不顯明知
花是無用物葉亦何曾苗共秀農書九穀荒其本本艸百藥讓
爾富外於賓客內閨房嗜及華顛到童幼那有世間作食品火
化灰飛不遵豆小醉何如暱麵生餘情無著連香獸昔賢艸木
不及狀近來狂藥誰能救承跌結子僂纍纍我畱此花得無謬
吁嗟乎我畱此花且看花閒院一叢當午晝

中秋置酒鄰居董舍人牆頭送帖來觀多希世之珍卽
事吟詩書宋拓太清樓四卷後

開園洗讐作去中秋似此歡
涼夜景幽野菜花明涼月下舍人
帖送古牆頭衣多酒氣圍兒女
簾動鑪香出屋樓畱得老夫殘
醉坐曉雞時節看銀鉤

十六日玩月之興未闌攜兒女
重置酒燒香後園舉展
重陽之例謂之展中秋也

展中秋先去展重陽又對冰蟾一舉
鵬圓後不消今夜恨
瘳來猶是古時光誰家砧杵知
寒信何處星辰照洞房不是悲
秋吾不會悲秋何似逐秋狂

十八日先慈生日風雨陳奠淒感而作

影堂迢遞紙錢灰爲位天涯奉
酒栢雨點細於心上痛風聲吹

作樹頭哀昨宵有寢尋親去八月
無潮送我回最欲寄聲泉下
問阿兄可自玉門來

與王葑亭比部同季借琴許作詩及還琴又許作詩而
皆未也葑亭限韻催詩復約小飲次答三首

白雲書判又耽詩綠綺同聲出妙辭不似舍人琴客散秋鐙無
酒守空鷗

還琴尚欠借琴詩詩客催詩不費辭檢韻輸君酬韻穩吳人原
不辨祠鷗吳人呼祠爲鷗見顏氏家訓

有琴復可和陶詩有酒端宜讀楚辭已是蕭條寒夜近好燃糠
火熟蹲鷗

楊忠烈公血影石歌

相傳刑部堂階石上有血影如人形是公被拷之處乾隆三十六季堂毀於火此石乃不存王君友

亮作詩以志靈迹屬子同賦詩也

八千女鬼九千歲大刀楊漣想殺之刀鑲斷折殺不得獄中冤
苦生黃芝乙丑七月廿六日魂走當訴高皇知片石公血所漬
深陡出幻相風雨時不鑿不刻不圖畫非神非鬼非行夙頭面
彷彿若怒虎要背以下如盤螭摩石弗腥鑿公潔埶石成影憐
公癡妻孥身世一無戀胡聚光怪偏如斯傳聞當日被拷掠對
簿只在鎮撫司如何血影落刑部是必會鞠來於茲殺公不出
一人手李養正等皆闖兒時李養正為刑部尚書石若能言述公恨皇天后
土亦涕洟君不見侍中香火江上祠夫人節烈萬人悲風鬟霧
鬢留天地比作望夫山更奇今江寧黃觀祠堂龕置夫人翁氏血影石是夫人
殉烈臥夙於此石乃留影也子拜祠下見之陰雨
則影愈明肩以上皆見似愁睇側顧之狀族父京兆公扁曰誠則明

施耦堂給事同季以詠燕詩索和畱之篋中兩季未報
也頃悲器逝其子尚幼檢得此卷和其乳燕韻二首以

償夙諾亦當挽歌

烏衣尋舊巷不似舊新豐荒屋迭驚雨新雛未耐風柏臺無樹
直花苑與泥融老淚因同榜誰真百歲翁

昔賢寡婦賦腸斷到空閨白日看孤燕靈牀奉隻雞掌中誰慰
藉君女為朱五學士子婦婦姑頗有谿勃君之所隱痛也邴下要提攜痛絕酬君韻寒雲半嶺栖

大觀帖尚四卷榷場本歌

太青樓高高百尺燕五州尚無烽燧讌罷安妃卷簾坐摩挲翠
墨神霄連樓下新帖石十卷宋時以淳化為舊帖大觀為新帖排次出於龍大淵刻

手未必安民在標識并令元長傳今季中秋月華好舍人董教增

屋隔牆東邊牆頭送帖乞我詠四卷體妙而神圓亮字鑿損海

陵諱榷場津折盱眙錢周郎天球書籤金粟舊新安汪無擇字象先藏印紅

泥鮮世間尤物動魂魄何止古人不得眠王元美跋云子復得弟七卷不完本令象先夜眠不著大

觀模勒歲在丑丰昌士女疑神仙靖康一炬不可救此石遂與
東都遷南賈北賈以地踞宋使金使如梭穿青城有恨不能說
琬琰飄零亦可憐還君此帖漫惆悵幽徑黃花重九放且借翁
家半卷看豐溪藏弟六卷之後半卷閒情一醉茅柴釀

收菜行

種花人家多種香種菜人家多種糧吾園無花只有菜收成喜
不遭季荒閨人糝鹽衰入鬢今歲西風恐蚤凍料理燃糠煨芋
鑪雪淡自在蘆簾寢

拔蘆菔行

蘆菔蘆菔根可數如小兒臂有餘怒自詫泥滾一尺彊那知葉
敗全身露庾郎清苦未爲貧且鬪尊甯現在身花落月涼兒女
睡紅鹽白水嫩於蓴

閒夜偶書

寒月窺人影空園衰寂寥鐙閒花自落詩淡墨重描催飯遲茶
熟多兒惜女嬌明季合歸去不待故山招

看閨人位置鞠影

巷長沽酒人初去被冷添衣寢未來四壁倚鐙如看畫好花與
影一同開分明虛室連雲塢收拾東籬傍鏡臺通德夜深非擁
髻虞卿客倦本無才

丙吉問牛喘圖

畫人畫出丞相節畫牛畫出牛吐舌郵亭風物皆青春牛爾何
緣獨觸熱野父匍伏再拜膺當今農事功作興肥牛驅使應官
府瘦牛扶犁牛病增欲牛不瘳復不喘丞相經國能不能少卿
諳讀尚書傳燮理陰陽未可憑

小石方寸許一面頤曰松溪印月一面頤曰輕舟出峽
皆石理天然如畫其側曰十岳山人明歛人王寅仲房
所藏之物爲之賦詩

一松橫偃溪月流兩人對立出峽角十岳山人二百載八分細
字顛蠅頭宋時士夫愛石供仇池研山各珍重何如石理孕畫
圖造化譚將筆墨用少林兵杖扼土酋不舛靈藥無月丘裏石
往來一萬里一路江船山月樓

冬至角一日恭送

大駕詣

南郊齋宮

北闕晴雲彩仗來

南郊齋宿幔城開期頤送喜看千容

明季正月六日舉行千容宴

太極生陽兆歟

孩天殿龍驤催羽騎

御鑪象藏應葭灰芳芸柔荔乾坤徧總

佐

皇王獻壽栢

次韻答鮑雅堂典籍同季冬夜同直見寄並過夜話

夜火東西兩直廬同季恰喜對門居寒猶警露何如鶴閒比垂
鉤不在魚阜隸散歸無畫諾弟兄情語當繙書狂吟芒角時常
有精細詩篇理不疎

寄壽心餘六十二首

接見新詩句有神江聲廬翠興相親尋常咳唾皆千古六十風
花號半人病亦神仙能避劫老於大雅獨扶輪四脚贅累原微
末四服之疾爲末疾也頡粉孫陀莫近身

三十季角醮虎邱爲君生日買扁舟乞豚蠶蜨花閒閣拜佛雲

山竹裏樓入世何人春寢淺
居此老晚香畱諸公持節藏園
會子得同來佐郡不心餘來書云待公等持節來與病夫相見子無分有此擬乞佐郡可同會耳

題程友聲鳴爲漁洋尚書寫夫子弟二圖三首

夫子亭下詩人宅若个尋詩載酒來
魚子水灣灣流不盡山花

歲歲又重開

九州羣屐奉詩壇老去青山對戶看
還是於陵耐千古白雲夫婦兩高寒

月青弟子擅風流第一圖能得見不盡筆
漸枯詩漸老綠楊不

復寫揚州

綠楊城郭是揚州程生亦曾爲尚書作圖

爲總校陳生題其母氏荷亭課子遺像二首

兒奉夫人遺像來乞詩鄭重最悲哀
慈親便是荷池葉捧爾荷花今日開

今日兒能校祕書書鐙相映夜窗虛
十季舊事分明在蓮蕩香中放學初

竹葉庵文集卷二十四

詩二十四

吳縣 張埴 商言

賜研齋集下 乙巳

走馬鐙

南油西黍滿街鐙四角風輪走馬能夸父奔波人並老王良名星
見慣月同升火牛燧象三更寢蠟淚蘭膏一夕冰此事兒童真
拍手按圖索駿又何曾

花朝題鄒滿字 典 畫卷二首 有序

卷逐段畫梅花桃花及山水梅花後題詩曰三家邨裏無鐙火

千樹梅花作上元佳句也乾隆壬寅予至曲阜與孔戶部 繼涵

同觀於紅欄書屋以小印鈐之屈明季癸卯程編修 晉芳 題於

歷城旅次又二季乙巳顏教授 崇槩 攜此卷到京乞題則孔程

二君皆歸道山今日正值花朝初見桃花不勝淒泣題詩云
鑿火梅花作上元天桃隨後徧芳園而今漸少看花客不遇花
朝亦斷魂

卷中題字說程尋風雨黃蘊有斷縑莫道尊岸無淚下花開時
節嬾開簾

石屋橫雲歌謝徐鐵厓學使惠靈壁山子

靈壁佳者不可致匠斧伐盡山之苗鐵厓貽我好山子阮產當
出趙宋朝橫廣一尺高八寸下承三足爲山椒其鹵圓竅洞明
月其東高跨連長橋橋不可梯磴削絕沿緣北壁疑通樵忽放
平行作石屋縹緲靈透空於瓢拓之若寬百十丈定有仙人來
結寮石屋之上最高頂北峰回顧南峰腰又鹵白雲一縷起風
吹不散亦不搖大則能爲天下雨小或不使方隅焦君子小言

而大賦千巖萬壑手可招黑質白章周官染輕金浮玉古聖韶
攜歸坐臥對三日靜壽期爾爲久要吁嗟序靜壽期爾爲久要
新詩慙愧非瓊瑤

恭進辟廱詩九章

聖人爲君

聖人爲師久道化成以介

春祺惟

聖尊聖宮牆在茲乃建辟廱鼓鐘將之

四代之學名不相襲明堂靈臺或在郊隰唯

皇定禮厥中允執乃建辟廱太學並立

辟廱唯何波園于璧春水方生爲梁百尺明和天下

聖人悅懌董役司空相禮宗伯

歲在旃蒙如月上丁

天子釋奠干羽在庭風和舜瑄階堦堯冀榮光瑞氣燭于樞星
乃臨講幄鑪香靜謐春殿書聲卿雲麗日功在韋蒲鑑存

簡泰以助太平自六經出

臨講唯何仁敬孝慈先聖

後聖同昇緝熙君臣父子彝倫克治以享

天祐福祿無私

臨講唯何天行之健功循德懋學緣時勸吾

皇敬

天乃奉天憲大衍有策積而億萬

先練時日覃恩九有法

祖式宴宴三千宴土司外國亦來恐後

五班一堂錫福悠久

辟靡湯湯素王之宮市有槐綠壇皆杏紅九旂招搖梯几當

中禮成樂闋人仰元功

次韻文淵閣曝書

晴窗四拓會儒紳雙璽紅泥照眼新每冊書首葉鈐文淵閣寶末葉鈐乾隆御覽之寶龍藏

得闕無盡處鸞聲又報最芳辰日當午正無斜影蝨絕孳生謝

點塵歸有催詩翁直閣方綱和詩幾個替季人

次韻送陸丹叔直閣奉命赴熱河安設文津閣四

庫全書

石梁飛雨界天紳松翠連雲御苑新獨郡臨邊控諸部喀喇河屯今改

承德府六經度閣仰三辰大臣將事時詹吉小驛傳呼屋埽塵

兩度出關銜寵命甫季赴奉天安設文淵閣書咲它負弩蜀中人

清明後一日同人九龍山看桃花

去季花紅今季白去季花盛今季稀二月六日雪一尺久旱津液升芳菲同人要約看花會看花不醉不肯歸清水河畔春波淺紅門口外野鹿肥一夜東風送寒會上翁女子換袂衣鳥最嚶嚶楚楚花自漠漠煙霏麥田麤王吃大餅吾誓今歲或不饑行春便操柸竿去此事相賞休相違黃金那買白頭黑長繩詎繫西山暉人間好事多有恨莫待芳華零亂飛

江漪塘董觀橋兩舍人寅酒招看勺藥酒半喜雨而作揚州勺藥天下無豐臺北來作苗裔豐臺女兒嬌青春白面芙蓉挽高髻花餅澆花轆轤長花田采花星月霽阿翁挑擔入城賣千紅萬紫五侯第就中一品白者彊經量古尺以尺計雒陽穀貴姚魏荒鄭國詩殘溱洧逝只仗此花不泯沒花光爛然屋

不閉三季刻玉偶然成滿斛量珠那得貫天公道是賞花會遣送雨聲響林際人閒悵意有如此酒氣上升消旱厲鳩錢便造杜康祠打鼓休爲女魃祭醉中戲語亦勿瞋醒裏關心惟此歲江郎鄉思在紅橋心火將離特地燒董生亦是秦淮客不管江頭蚤晚潮

送春日顯陳誠將

裸

修禊圖送顧生

文鉞

還濟寧並感

吳中舊游二首

茂林修竹永和春春盡櫻桃似火新不道弟兄稀酒伴廿季怕作送春人

上巳何季在石湖漪裙載酒不曾孤風風雨雨湖頭水流盡人間修禊圖

桂未谷訓導寄蠶尾山房墨以金冬心墨報之顯詩四

首

我愛尚書赤牘書
瘦金字體最蕭疎
珠盤玉敦同時盡
人比螺丸壽不如

晚歲山居半壁苔
傍門閒埽落花開
門生有个天都客
埽與茶綱寄墨來

歎顓門人汪洪度監造汪名于鼎歎人

好詩濃墨兩鮮新
淡寫烏絲亦入神
真研何如真手在
先生畱此夏摩人

綠楊城郭短長條
後起詩人亦寂寥
兩處封顓兩家墨
斷煙零雨不勝飄

漁洋詩綠楊城郭是揚州

題徐后山舍人
亾姬李窈孃墓圖二首
墓上皆種桃花
窈孃爾是小桃紅
墳上花枝墳裏同
莫鬪亭亭三尺影
一枝雨又一枝風

織縑織素一思君
不賸招魂金縷裊
明日舍人應載酒
六如亭下拜朝雲

書任子淵山谷詩注後

張淵祖占老夫名
明月肯身亦有情
天社只今傳夾注
豫章此派語三生
雲龍賸有東坡逐
水火迆勞蔡卞爭
九月空州纔了澈
大江萬古碧波清

山谷詩傳張方回家藏本方回名淵其祖子同名也

茗香亭看荷花

午睡纔醒著屐過
綠陰閒占此亭多
人因宿酒連新雨
天與涼風看晚荷
淡水浮光魚一寸
茂林得氣鳥雙窠
紅衣莫便驚秋褪
菰米江南憶舊蓂

領豆 乙巳三月

貧官一圍人一羸
圍人會少羸會多
豆貴芻貴減羸料
羸不能

言可奈何開倉 特許借官豆一品以下豆滿廩小臣南山本
無業飽及飢腸到六畜

領麥

乙巳六月

今季麥秋秋無季斤麪五十青銅錢司農句算借官麥七品以
下官與焉大車小車上倉領大磨小磨壓羸頸小臣未鋤地一
寸兒女商量喫大餅

題畫禮堂圖四首

大師樓可登黃巾賊不懼黃巾不殺公大師殺李固大師賊不
如嗟哉何不悟
亦畫知詩婢亦畫識字牛不畫諸弟子恐有邳慮羞邳牛婢不
如嗟哉夫何尤
公可爲嗇夫不可爲司農不與人家國知命乃不凶不畫通德

門所以悲孔融

在已墮桓靈道可爲堯舜寫書鄉禮堂六經得不燼不畫幅巾
像恐疑見何進

七夕供荷花製荷葉餅對酒感舊作詩也

秋圃尋秋秋可憐淡栢掌覆一陶然瓜如織女三分苦餅與荷
花一樣圓錯落羊燈季少會分明魚鑰夜深傳而今小劫成焦
土竹賸輕雲樹賸煙

不睡

鐙穗鑪香兩不濃老夫不睡伴吟蛩一夏雨到五夏雨東曉鐘
連西曉鐘波漫闔廬城下觴雲沈林屋洞邊峰秋情鄉思紛於
織人隔江南弟幾重

朱龜碑乙巳五月爲王秋史編修題

人在曹鸞黨錮時幽州刺史說朱龜雨中夏木森森綠獨有閒
情讀溼碑

黃倅小松寄靈臺朱龜譙敏三碑七月廿五日次甫韻
題

秋雨泥淡沒髀時今朝喜鵲勝靈龜開緘黃九平安信又見人
閒三溼碑

美人

美人團扇惜芳華逝水驚心歲月賒遠近西風滿樓笛兩三蟋
蟀一園瓜偶然歎息如吹劔瞥爾歡娛付睡蛇秋寢何如春寢
穩不隨香篆印窗紗

中秋擬踏月訪王葑亭比部不果并簡令兄

眼昏且傍月婆娑埽徑燒香坐薜蘿斷續晴雲今夜好太平小

巷醉人多老夫足蹇跛如鼈嬌女眉長翠勝蛾輸與玉郎珠弄
掌弟兄春艸共吟哦

查映山學使招同莊羹堂秦漪園二翰林徐鐵厓秦端
厓二學使依竹堂賞桂

書堂修竹翠嬋娟竹外芭蕉未冷天香得桂花淡似海酌來滄
酒沸於泉莫言六客尋常客已作同季廿一季韓孟雲龍心事
共白頭关口我慙先

是會以予齒爲長

戲用甫韻重九甫一日與映山乞滄酒

紫萸黃鞠兩娟娟又近風情重九天不必詩篇愛風雨卻嫌酒

價貴刀泉

今季紹興最貴
尙此所未有

滄州絕與醜翻妙太歲如逢申酉季

古諺歲
逢申酉

得酒不是隣醯成故事牆頭能送古人先

九日映山送酒以筆二柙報之再次甫韻

今朝脚力登高嬾絕好西山卯色天送酒人來夕陽屋鈔詩筆
洗鞠花泉有田種秫尋歡會會葉驚蠶語昔年珍重報君青鏤
管策勳醉墨要君先

九兒孝標模漢瓦頭鏡背銘文作小圓印九枚短歌書

其拓本後

千門萬戶古宮殿寢雨飄風今不見上林未央瓦當字那知曾
覆神仙眷神仙妝閣盤龍髻月鏡團團作盟誓上方銘語鑄洪
鑪安樂長生萬千歲鏡囊遺失鏡臺空翦裏金蠶暗似銅僂不
相忘不能待子藏漢瓦文曰長毋相忘君恩妾貌有無中小兒好事模小印左
右回文字神儁秋窗濁酒溼書同渭水中南不一瞬

九月十九日寢與莊谷同看鞠紅欄書屋似予將歸蘇
州莊谷舉酒言曰能為我復畱三日乎語罷淒然醒後

月斜鞠影正在窗也

其人如玉魯東家老樹紅欄滿屋遮七百日來悲宿艸一千里
外癯黃華弟兄今在知無分杵臼來生亦有涯願在人間不相
識人閒相識幾搏沙

一屋

一屋人散後老夫眉長掛日對諸少季不如日獨立

自 圓明園歸宣武門已闔詣陸月叔侍郎借宿對酒
有作

巖城上鎖欵門過案戶星光勝月波暮夜略如水火乞同季況

累酒豚多兩家舟楫思姻婭月叔親家錢慈伯檢討子之親家王崑霞吏部眷屬同時南歸阻於水淺無消息也一屋

銜花寢薜蘿親在恒言不稱老如公台輔未蹉跎

次韻同月叔懷慈伯南歸

兩度秋淡送爾還五季漸老鏡中顏記辛丑送君已五季矣扁舟今夜知誰
傷去客無官儘意閒
月何如江岸瀾蘆花偏勝稻梁慳賓鴻
書信樓頭少那隔千山與萬山

月叔來詩云情語家家親申有愁懷昔昔別離多輒次
片韻奉答月叔夫人屢令人訪漕河歸舟消息而予之
閨中亦絮絮不已蓋以兩家親家之女子同在舟楫間
也詩中並及之

愁水愁風盡室還無風無水亦愁顏阿婆屋裏川涂算小女船
窗繡綫閒不道兩家各情重何季五嶽未緣慳秀州近在長洲
苑蚤載茶鑪去看山

月叔倒次過字韻詩依韻再答

十季歸計儘蹉跎十月江邨冷翠蘿黃雀綿重平燒芋蚤芋大者及斤許

拌餈燒之天略明

青魚尾美

青吳人讀如羹轉音也

熟淺多客來餒賣鏗片

橋頭巷口俱賣之

船到橋通月下波

吳中多汜月於寶帶橋此二處皆蘇州到嘉興經過之地

一咲

詩成對殘燭真疑畱柵待君過

江浙水鄉多設水柵止夜行予之錢亦放船也

葑亭送蕨菜久缺報謝醉中會之而美戲題八韻

寂寞山中有多承塞上攜因之念君子原不餓夷齊幽處花經
宿陽坡葉未低如拳春雨坼似艇束脩齋戒殺天親侶耽齋法
喜妻斷然非野葛可以伴寒齋醉筆無停想新詩報舊題要誇
好腳力撒手萬峰躋或言入饌無因病痿也故有野葛萬峰之句

廟堂碑宋拓城武本歌

金聲玉振古今闕鳳翥鸞翔川嶽驕頭陀豈無片石訪薦福合
有驚雷招多謝永興王節度碑材重買摹穹霄清渭一洗相王
字大周再削女主妖今陝本碑額無大周字城武乃近聖人里鬱乎廟堂高

麗譙妙跡不知屬誰勒惜無姓名甲子標澄膠不止瓠棗洩殺
馬廷益鼉鼉僦僦侏侏胄子操短牒峩峩禮器連浮橋此碑沈埋
不得救在至正二
十六年到今沙蝕如蟲彫竭見古本鋒銛古珠明玉腹

心魂搖蘭亭遺韻過江去遂以筆法生餘姚光芒謝絕劔戟氣
細膩抽發珊瑚條有唐初興三君子如鼎而立三足翹謂虞與
褚歐軒

然如椽在天地羅列翊輔神京遙被之宮牆尤富貴夫子道重
雲濛昭聖教馱經述僧佛謂褚
跡醴泉禎瑞誇皇朝事皆阿諛涉

異學文之所累理則澆何似如星如日筆必先聖先師祧價
五百緡太狂煞行卅六字難鉤描陝本卅四字城
武本卅六字窮秋何興遣岑寂

打檻入戶皆寒颯漁人再到桃源日花恐亂飛水亂漂

立冬甫一日賞鞠二首

秋晚非爲晚先生且看花當風應插竹洗葉肯埋沙桃李不能

待蜨蠶亦有涯以茲生感激無語對芳華

天地不假借有花終放花人情多蚤望物意特遲誇貫酒點盞

會長平聲吳中
方言如此男小女譁此時恪相賞莫慰老夫家

城東邢氏宅看鞠

簾卷西風瘦可譏今朝方識此花肥玉環白玉環一種
瓣拳曲畱作初冬

豔黃鶴真高六尺飛黃鶴毛一種高六尺花圍
一尺二寸真大觀也天下好詩彭澤是人閒

奇卉洛陽非不緣隔个城門鎖肯撇芳華便忍歸

甫詩未盡鄙意又賦一篇

三閭餐落英時物感荏苒靖節賦東籬芳菲藉點染嗟嗟士失

志所遇偶寒儉詩家慣沿襲躑躅向溪崦日瘦復日淡似衰而

似貶形容不盡致其語只如麗大造運四時春豐秋非歉宿葉

厚於菌老根粗似槩花枝六尺彊花光一屋閃黃金造槃杆白

玉刻琬琰呼作富貴花鞠乎良不忝如何徇花史隱逸傳中檢
頗疑中行非乃失三春燄不知桃李賤且圖牡丹月詔茫茫無識
人眼光豆一點禹稷與顏回易地何嘗掩

程東冶舍人招看手插餅鞠

雨風晴霽一枝枝正直橫斜並有之絕好花光在邨落縮將陂
逕入軍持素瓷貯水如明月焦墨微吟寫淡詩尚道玉栝不相
稱主人情重醉歸遲

五雜組十八首

五雜組州九土往復還泉九府不得已獸九扈

五雜組印五經

購得永樂中尚書周禮句讀
音釋皆五色套版綿紙精絕

往復還步五星不得已鑄

五刑

五雜組滕王蜨往復還河東篋不得已昭陵帖

五雜組獻馴雉往復還祭五時不得已洩瓠子

五雜組韓康藥往復還林逋鶴不得已揚雄閣

五雜組薛濤紙往復還蘇武使不得已張璠禮

五雜組織女絲往復還國手碁不得已名士詩

五雜組江上霞往復還渡口槎不得已看落花

五雜組官窰盃往復還九曲篆不得已秋聲館

五雜組合歡被往復還知心婢不得已鐙背淚

五雜組花閒陌往復還樓中屐不得已人化石

五雜組五行怪往復還先天卦不得已世家敗

五雜組畫驛樓往復還文書稠不得已讞重囚

五雜組告身字往復還上林駟不得已得醜諡

五雜組金鯽魚往復還尺一書不得已獨輪車

五雜組重陽餤往復還半夜潮不得已獨木橋
五雜組田中穀往復還古碌碡不得已荒邨哭
五雜組百花醞往復還回文韻不得已作家訓

饞貓想捕雞行

饞貓想捕雞半夜雞亂飛貓小皮毛薄雞大爪距肥貓恃三更
多眼力雞傻眼昏有翅翼撐翅打貓貓叫走食不安穩迭作賊
饞貓饞貓不捕鼠日出高高雞啄汝

采岡樗行

采岡樗岡樗之大大於升手擘略如紅水晶房寬子濶無多層
一園亦有百十樹一樹三五曉星布不敢多貪糞力枯要求少
結精神固秋淡樗熟點樗來園主分明冊籍開辛苦一季無一
賸地租了畢樹空栽采岡樗爾計良已差防雨防風防蟲疰飽

喫樗子何爲耶明季邱有麻田有瓜牆頭屋角勝樗花

三絃子行

三絃子街巷悠揚韻入耳列諸笙磬祝敵隊檀枋蛇皮直羞夙
妖狐亦有美人風腰頭拖尾長幫紅共姜伯姬若在室瑟縮頓
化爲沙蟲啾啾唧唧兒女祕對泣新聲似鬼魅贈以古琴聲不
啞玉軫金徽朱漆地如何海上無成連勸人只學彈三絃

幽蘭在空谷

幽蘭在空谷無日非芳辰移之出山來乃爲天下珍珍者自垂
情於蘭何所欣西施不出邨何嘗不嫁人

木瓜展拘攣

木瓜展拘攣勺藥諷別離古人投贈意珍重非無爲初交說勿
頸面從而心疑報恩不得已所以悲如姬

寒夜偶成

欲雪不雪天已凍欲月不月光最遲每當長夜不肯睡或者無
端遇好詩溪雲小閣漁燈在蘆荻殘花野雁知圖畫此中不可
到應有幽人絕妙詞

吳中呼一種乾筍曰繡鞵底者戲詠之

修竹天寒算芳蹤未淺埋香泥看雨霽繡印坼苔階潤比蓮花
瓣尖同鳳股釵鞵栝或對汝掌拓小於鞵

月叔寢中讀畫題詩模其寢中之畫錄詩其上月叔家
於秀水卷中風景絕似永安湖次韻奉題

秀州平遠絕無山六里堰名而東峰翠環無數夕陽牛背近一林

春樹酒旗閒放船只在溪南北歸寢先知路往還一咲畫圖真
遇此鷹窠茶磨去聲俱山名水雲閒

冬青樹院本亡友蔣心餘病中作也予為序之越二季
君遂俎謝或言予序譽之失實寒夜展卷書其後

菁華茶爾不如肉三日成書廿八篇莫道老夫曾作序病中相
慰實相憐

送周生

君是江頭客江頭雲亂飛弟兄三處在風雪一人歸負米情何
急稱觴事未違行程無萬里去住傍春暉

題龔半畝賢寒山畫像

一个風幡人未知道人心動要吟詩天台山裏曾相見掃罷桃
花獨立時

雨繖絕句吳中社題

不定陰晴水鶉鷓借來花外酒家鑪分明大過青荷葉一幅江

邨遇雨圖

記予未弱冠時茅湘客選詩來吳下介中表董幼渠過訪先君子會它出予迎之南樓飲酒賦詩極歡而罷選詩曰絮吳羹未成而湘客謝世今所存予家惟先祖及族祖孝廉公諱發合刻一卷耳偶檢及之題詩云

筆研安漁艇風花助酒鎗人來溥子國月滿闔廬城二句坐中開董所賦詩

我南樓坐招翁北郭盟卅季耆舊盡殘稟不勝情

予季十五從蔡先生讀書先生老友吳友篁者洞庭山人忘其名刻七十二峰足徵集一百卷屬先生次序先生半委予校正譌字吳自山上來便攜山果餉予一一佳品此集世不甚傳然人間必有其本亦兩山之文獻矣吳鬻所藏古器以刻詩蓋好事足尚者為題詩云爾

識字兒時十五齡魯魚亥豕略分形詩讎七十二峰集人產東

西兩洞庭山果箸包肉輩送竹樓飯罷午煙暝韶華回首真飄

瞥那覓眾船好句聽吳有太湖風船竹枝詞

題圖裕軒學士獵射汜舟二圖

壬寅予乞假餞於君漫圃白版門扉幽亂花蠶蝶午縣一蓑一笠曰以備風雨風雨亦何往十步隔隣鳴吁嗟此其人高風緬千古謝病十八季廉讓守環堵能自剋外期預築墳頭土墳北造小庵一僧報鐘鼓優作上翁人田畝授以簿分明比兒孫衲衣衰經主生勞而外佚君諳生之苦故諱為外計逍遙百無迂射飲黃麇血釣宿綠楊浦此又糟粕耳微塵不可數

題姜如農先生荷戈像今刑部侍郎晟先生之元孫也

童季同讀書先伯父書巷別墅為其姑姜古研題靈雨

春耕圖古研名桂貞女也畫品高逸詩中特表之云

少與侍郎同書塾塾中萬朵紅薔薇花時眎我靈雨卷雨點淚
點相霏霏作畫之人女貞樹壓倒眼下諸芳菲是日蠶蜨俱不
飛白日如照傷心幃侍郎之姑給事孫偉哉奇節出一門今日
得拜老兵像既歾猶是宣州魏先生頤詩自識曰宣州老兵國史輝煌佳傳在
虎邱祠宇神絃喧四傳官貴九卿列天報孤忠亦異恩吁嗟乎
萬古綱常三尺律臣道妻道只從一

歲晚書懷

未到龍鍾已欠彊熊經龜息亦非方病多漸覺中季過睡少纔
知半夜長蚤起屠蘇作家宴喧聞爆竹度隣牆老夫緩攝人間
景紙閣蘆簾有甚忙

小除夕月叔分送 賜朱二鋌以詩奉謝

九重清宴點羲爻萬杵砂牀百和膠 賜出朱霞蒸殿角染來

紅蝠滿花梢粵中有紅蝠蝠今畫家仿之巾箱句讀慚兒課邨塾零星只紙包爆

竹江鄉它日景

聖恩一一語衡茅

竹葉庵文集卷二十四

